


柳田文庫  
文庫11  
D 292  
34





文庫 11  
D 292  
34

宋史卷一百四十三

儀衛志第九十六

開府儀同三司上柱國錄軍國重事前中書右丞相監修國史領經筵事都總裁脫脫等

皇明朝列大夫國子監祭酒臣方從哲

承德郎右春坊右中允管國子監司業事臣黃汝良等奉

勅重校刊

儀衛一 殿庭立仗

綦天下之貴一人而已是故環拱而居備物而動文謂之儀武謂之衛一以明制度示等威一以慎出入遠危疑也書載弁戈冕劉虎賁車輅周官旅賁王出入執盾以來王車朝儀之制固已粲然降及秦漢始有周廬陛

萬曆二十七年刊

宋史卷一百四十三

儀衛志

一

御定四庫全書

010190564482



戟鹵簿金根大駕法駕千乘萬騎之盛歷代因之雖或損益然不過為尊大而已宋初因唐五代之舊講究修葺尤為詳備其殿庭之儀則有黃麾大仗黃麾半仗黃麾角仗黃麾細仗凡正旦冬至及五月一日大朝會大慶冊受賀受朝則設大仗月朔視朝則設半仗外國使來則設角仗發冊授寶則設細仗其鹵簿之等有四一曰大駕郊祀大饗鼎之二曰法駕方澤明堂宗廟籍田用之三曰小駕朝陵封祀奏謝用之四曰黃麾仗親征省方還京用之南渡之後務為簡省此其大較也若夫臨時增損用置不同則有國史會要禮書具在令取所

載撮其凡為儀衛志

殿庭立仗本充庭之制唐禮殿庭屯門皆列諸衛黃麾大仗宋興太祖增創錯繡諸旗并幡斝等著于通禮正至五月一日御正殿則陳之青龍白虎旗各一分左右五嶽旗五在左五星旗五在右五方龍旗二十五在左五方鳳旗二十五在右紅門神旗二十八分左右朱雀真武旗各一分左右皂纛十二分左右以上金吾天一太一旗各一分左右攝提旗二分左右五辰旗五北斗旗一分左右木火北斗在左金火土在右二十八宿各一角宿至壁宿在左奎宿至彰宿在右風伯雨師旗各一分左右白澤馴象仙鹿玉兔馴犀

萬曆二十七年刊

宋史四百三十三

儀衛志

七



金鸚鵡瑞麥孔雀野馬犛牛旗各二分左右日月合璧  
旗一在左五星連珠旗一在右雷公電母旗各一分左  
右軍公旗六分左右黃鹿飛麟兕騶牙白狼蒼烏辟邪  
網子貌旗各二分左右信幡二十二分左右傳教告止  
幡各十二分左右黃麾二分左右以上兵部日旗月旗各一  
分左右君王萬歲旗一在左天下太平旗一在右獅子  
旗二分左右金鸞金鳳旗各一分左右五方龍旗各一  
青赤在左黃白黑龍君虎君旗各五分左右赤豹黃羆  
力士旗各五分左右天王旗四分左右太歲旗十二分  
左右天馬旗六分左右排欄旗六十分左右左右幡斿  
各五行行七十五大黃龍旗二分左右大神旗六分左  
右以上六軍神宗元豐二年詳定所言正旦御殿合用黃麾  
仗案唐開元禮冬至朝會及皇太子受冊加元服冊命  
諸王大臣朝宴外國亦皆用之故事皇帝受羣臣上尊  
號諸衛各率其屬勒所部屯門殿庭列仗衛今獨修正  
旦儀注而餘皆未及欲乞冬會等儀悉加詳定詔從之  
又言御殿儀仗有黃麾幡三而無黃麾請製大麾一注  
旄於干首以取夏制黃色以取漢制用十二幅以取唐  
制用一旒以取今龍墀旗之制建於當御廂之前以爲



表識其當御廂之後則建黃麾幡二上謂蔡確等曰黃  
麾制度終有可疑今鑿而為植於大庭夷夏共瞻或致  
博聞多識者譏議非善宜姑闕之乃止三年詳定所言  
昨定朝會圖於大慶殿橫街北止陳大輦逍遙平輦而  
輿未陳也當大輦之南增腰輿一小輿一古者扇翼皆  
編次雉羽或尾為之故於文從羽唐開元改為孔雀凡  
大朝會陳一百五十有六分居左右國朝復雉尾之名  
而四面畧為羽毛之形中繡雙孔雀又有雙盤龍扇皆  
無所本遂改製偏扇團方扇為三等繡雉凡朝會平輦  
逍遙並陳於東西龍墀上徽宗政和三年議禮局上大

慶殿大朝會儀衛黃麾大仗五千七十五人仗首左右

廂各二部絳引幡十執各一人第一部左右領軍衛大將軍

各一員第二部左右領軍衛折衝掌鼓一人帥兵官一

十人次執儀刀部十二行每行持各十人後部並仗同第一

行黃雞四角斨凡斨皆持以龍頭竿第二儀黃五色幡第三青孔

雀五角斨第四烏戟第五緋鳳六角斨第六細弓矢第

七白鵝四角斨第八朱滕絡盾刀第九阜鵝六角斨第

十細弓矢第十一稍第十二綠滕絡盾刀揭鼓二掌鼓

二人後部同以上排列左右廂第一部各於軍員之南為

次廂第一部稍前第二部於第一部之後並相向次廂



左右各三部第一左右屯衛第二左右武衛並大將軍  
第三左右衛將軍各一員第一果毅第二第三折衝各  
一員於仗首左右廂第一部之南相向持黃麾幡二人  
在當御廂前各立當御廂左右各一部左右衛果毅各  
一人於玉輅之前分左右並北向次後廂左右各三部  
第一左右驍衛將軍第二左右領軍衛折衝第三左右  
領軍衛果毅各一員第一部分於當御廂之左右差後  
第二部左右金輅之後西偏右在象輅之後東偏第三  
部左在華輅之後西偏右在木輅之後東偏並北向次  
左右廂各三部第一左右武衛將軍第二左右屯衛將  
軍第三左右領軍衛折衝各一員各在網子鴟鷂旗  
之前東西相向左右廂各步甲十二隊第一隊左右衛  
果毅第二左右衛第四左右驍衛第六左右武衛第八  
左右屯衛第十第十二左右領軍衛並折衝第三左右  
驍衛第五左右武衛第七左右屯衛第九第十一左右  
領軍衛並果毅各一員每隊旗一貌鴟鷂僊鹿金鸚鵡  
瑞麥孔雀野馬犛牛甘露網子內第十二隊刀盾弓矢  
相間分十二隊每隊三十人五重第一至第六隊在仗  
首第二部北第七至第十二隊在仗首第二部南東西  
相向左右廂後部各十二隊第一第二左右衛第五第



七左右武衛第十第十二左右領軍衛並折衝第三第  
四左右驍衛第八第九左右屯衛並果毅每隊旗二角  
觚赤熊兕太平馴犀鷄鷄驪騶牙蒼烏白狼龍馬金  
牛次弩五人爲一列弓矢十人爲二重稍二十人爲四  
重以上在大慶殿門外第一至第四隊在前第五至第  
八隊在後第九至第十二隊又在後東西相向真武隊  
金吾折衝都尉一員仙童真武騰蛇神龜旗各一執各一人  
爆稍二人弩五人爲一列弓矢二十一人爲四重稍二  
十五人爲五重以上在大慶門外中道北向排列殿中  
省尚輦陳孔雀扇四十於簾外執各一人陳輦輿於龍墀大

輦在東部押執擊人二百二十有二人腰輿在南一十

有七人小輿又在南二十有五人皆西向平輦在西道

遙在南共三十七人皆東向設繖扇於沙墀方繖二分

左右執繖將校四人團龍扇四分左右執扇都將四人方雉扇一百分

繖扇之後爲五行執扇長行一百人押當執掌二人各立團龍

扇之北金吾引駕官二人分立團扇之南文德殿入閣

之制唯殿中省細仗與兩省供奉官班於庭太宗淳化

三年增黃麾仗二百五十人神宗熙寧三年修閣門儀

制宋敏求言本朝惟入閣乃御文德殿視朝今旣不用

入閣儀卽文德殿遂闕視朝之禮乞下兩制及太常禮



院約唐御宣政殿制裁定以備朔望正衙視朝之禮詔  
學士院詳定學士韓維等上其儀朔前一日有司供張  
於文德殿庭東面左金吾引駕官一人四色官二人各  
帶儀刀被金甲天武官一人判殿中省一人排列官一  
人扇二方繖一金吾仗碧欄十二各執儀刀兵部儀仗  
排列職掌一人押隊員僚二人黃麾幡一告上幡傳教  
幡信幡各八龍頭竿戟各五十西面右金吾引駕官以  
下皆如東面天武官東西總百人門外立仗其東青龍  
旗一五嶽旗五五龍旗十其西白虎旗一五星旗五五  
鳳旗十御馬東西皆五匹每匹人員二人御龍官四人

設御幄於殿後閣其日左右金吾將軍常服押本衛仗

殿中省官押細仗東西對列俟皇帝受朝降坐放仗乃  
退徽宗政和三年議禮局上文德殿視朝之制黃麾半  
仗供二千二百六十五人殿內仗首左右廂各一部每  
部一百二十四人在金吾仗南東西相向絳引幡十  
人分部之南北為五重當御廂左右部同左部在帥兵  
官東右部在帥兵官西各為十重左右領軍衛大將軍  
各一員居部之中次廂左右第一第二部同掌鼓一人次大將軍  
後次廂左右第一第二部并當備席左右部次果毅次廂帥  
左右第二第三部次折衝次後廂左右部次將軍帥  
兵官十人分部之南北為五重北在絳引幡之南南在



絳引幡之北次廂左右第一第二第三部在部之南北

當御廂次後廂左部在黃麾東右部在黃麾西執儀刀

部十行行十人每色兩行為五重次廂左右第一第二

後廂左右部每色一行為十重左部以第一行龍頭竿

黃雞四角麾凡麾皆持以龍頭竿第二儀鎧五色幡第三青孔雀

五角麾第四烏戟第五緋鳳六角麾第六細弓矢第七

白鵝四角麾第八朱滕絡盾刀第九阜鵝六角麾第十

稍揭鼓二掌揭鼓二人分立緋麾烏戟後當中次廂左

次後廂並一在儀鎧青麾間次廂左右各三部每部一

百一十五人次左右廂仗首之南東西相向第一部左

右屯衛大將軍及果毅各一員第二部左右武衛大將

軍第三部左右衛將軍各一員折衝各一員黃麾幡二

分立當御左右廂前中間北向當御廂左右各一部每

部一百二十四人在殿門內中道分東西並北向次後廂左

右部同大慶殿左右衛果毅各一員左在部西右在部

東次後左右廂將此次後廂左右各一部每部一百一十四人次當御

廂南左右驍衛將軍各一員左右廂各步軍六隊第一

隊三十三人第二至第分東西在仗隊後第一左右衛

第三左右武衛第五左右領軍衛並果毅各一員第二

左右驍衛第四左右屯衛第六左右領軍衛並折衝各



一員每隊旗二貌金鸚鵡璫麥犛牛甘露鷄雞執各刀

盾弓矢相間人數行列同前左右廂步軍殿門外左右

廂後部各六隊每隊三十八人在部下親從後東西相

向第一隊左右衛第三左右武衛第四左右領軍衛並

折衝各一員第二左右驍衛第四第六左右屯衛並果

毅各一員角觶太平馴犀騶牙白狼蒼烏等旗各二弩

五人為一列弓矢十人為二重稍二十人為四重真武

隊五十七人在端禮門內中道北向大慶殿於殿門外並有金

吾折衝都尉一員僊童真武騰蛇神龜等旗各一爆稍

二人弩五人為一列弓矢二十人為四重稍二十五人

為五重排列仗隊職掌六人分立仗隊之間殿內四人

殿外二人殿中省尚輦陳扇二十於簾外執扇殿侍二

十人陳腰輿小輿於東西朵殿腰輿在東小輿在西人

員都將各一人輦官共四十人陳繖扇於殿下方繖二

團龍扇四並分左右夾繖執扇各一人將校或節級方雉扇六十作

三重在繖扇之後輦官長行各一人金吾左右將軍各

一員在繖扇之南稍前四色官四人二人立於將軍之

南與繖扇一列宣敕放仗二人在引駕官南執儀刀引

駕官二人在親從官後長行二十四人在四色官之南

排列官二人在長行之南次金甲天武官二人在長行



南以上並分東西相向立設旗於殿門之外青龍旗一  
在左五嶽神旗各一次之五方色龍旗各一次之五方  
色龍旗各一又次之白虎旗一在右五星神旗各一次  
之五方色鳳旗各一次之五方色鳳旗各一又次之詔  
頒行之

大慶殿冊命諸王大臣  
黃麾仗準文德殿視朝

政和中大祀饗立仗大黃龍負圖旗一執紼二百人陳  
于闕庭赤龍旗南少西大黃龍旗之北宣和冬祀陳于  
大內前大黃龍旗一執紼六十人陳于遂頓宮門外宣  
德門次大黃龍負圖旗之南宣和此旗下又有日月五  
星連珠北斗招搖蒼龍白虎朱雀玄武君王萬歲獅子

金鸞金鳳五方龍天下太平等旗凡二十一正至受朝

同龍墀旗陳於殿庭太廟在西櫺星門外路南次赤龍  
旗少北青城在泰禋門外夏祭大禮在明禋門外赤龍  
旗之南

宗祀禘饗大禮不設大  
黃龍負圖旗大黃龍旗

大神旗六執紼各九才

人宣德門泰禋門並陳于大黃龍旗之南東西相望太  
廟陳于西櫺星門外大黃龍旗之西少南視赤龍旗爲  
列南北相望龍墀旗執紼各十二人左右有日月旗各  
一次君王萬歲旗一宣德門泰禋門在路東太廟在門  
外路南次獅子旗二左右有金鸞金鳳旗各一次五方  
龍旗各一青黃赤龍旗宣德泰禋門在東太廟在南黑



白龍旗宣德泰禋門在西太廟在北次天下太平旗一  
宣德泰禋門在路西太廟在路北以上旗皆在車駕前  
發仗內執紵人並錦帽五色紉繡寶相花衫錦臂鞞革  
帶

政和中遼使朝紫宸殿用黃麾角仗各一千五十六人  
殿內黃麾幡二次四色官之南分左右仗首左右廂各  
一部每部一百四十人及殿下稍南絳引幡十分部之

南北各為五重左右領軍衛大將軍各一員在部中稍

南次廂左右第一掌鼓一人次大將軍後次廂左右第一

部次帥兵官十人分部之南北北在絳引幡之南南在

在部之南北各為五重執儀刀部九行每行持各十人

第一龍頭竿黃雞四角斝皆持以第二儀鎧五色幡第

三青孔雀五角斝第四烏戟第五緋鳳六角斝第六細

刀矢第七白鷄四角斝第八稍第九阜鷄六角斝掌揭

鼓一人在緋斝烏戟之後次廂左右第一次廂左右各二

部每部一百五人次左右廂仗首之南第一部左右屯

衛大將軍果毅各一員第二左右武衛大將軍折衝各

一員掌鼓以下至掌揭鼓人數並同仗首殿外左右廂

各步甲三隊每隊三十三人第一左右衛第三左右武

衛並果毅第二左右驍衛折衝並各一員貔金鸚鵡瑞

萬曆二十七年刊



麥旗各二以次分在三隊刀盾三十人為五重內第三隊弓矢  
左右廂後部各三隊第一隊每隊三十八人第二隊每隊三十三人第一左右  
衛第三左右武衛並折衝第二左右驍衛果毅角觶太  
平馴犀旗各二以次分在三隊弩五人為一列弓矢十  
人為二重第二第三隊為一列稍二十人為四重排列仗隊職掌  
二人次廂第二部之南分左右以上殿內仗隊東西相  
向排列殿中省尚輦陳與輦於東西朶殿平輦在東西  
向逍遙輦在西東向設繖扇於殿下方繖二分左右團  
龍扇四分左右夾方繖方雉扇二十四分左右各二重  
在繖扇之後金吾四色官一人

政和中文德殿發冊用黃麾細仗共一千四百二人設

日旗君王萬歲旗獅子旗金鸞旗青龍旗赤龍旗各一  
在殿東階之東以西為上月旗天下太平旗獅子旗金  
鳳旗白龍旗黑龍旗各一在西階之西以東為上每旗執  
四俱北向立押當職掌二人分左右立於日月旗南次  
方繖二團龍扇四夾方繖次金吾上將軍二人將軍四  
人引駕官四次金甲二人次四色官六人內二人執  
笏餘執金銅儀刀次碧欄二十四人內執金銅儀刀左  
右各六人在北次都押衙二人立於碧欄之南少退次  
早纛旗二十二每旗執左右金吾仗司員僚各一人押



纛立於旗南次青龍旗一在東白虎旗一在西每旗執

員僚二人押旗在旗之北以上並分左右東西向次五

方龍旗在東五方鳳旗在西各二十五每五旗相間各

依方色排列次五嶽神旗五在東五星神旗五在西各

依方位排列每旗執次朱雀旗一在東真武旗一在西

每旗執以上並北向員僚二人押旗在旗之南分左右

次紅門旗二十八分左右每旗執次寅卯辰巳午未旗

六在東申酉戌亥子丑旗六在西天王旗四分左右夾

辰旗次龍君赤豹吏兵旗各五每旗各為一列在東每

列掩尾天馬旗一以次在東次虎君黃熊力士旗各五

每旗各為一列每列掩尾天馬旗一以次在西每旗執

員僚六人押仗各分立旗前次員僚四人押旗分左右

東西為一列每列左廂第一隊鸚鵡雞白澤玉馬貔旗四

瀆旗各一為一列下至第九隊第二隊角亢氏房心宿

旗各一第三隊虛危室壁奎宿旗各一第四隊參井鬼

柳宿駃騠旗各一第五隊三角獸黃鹿菑文馴象飛麟

旗各一第六隊辟邪王兔吉利仙鹿祥雲旗各一第七

隊花鳳飛黃野馬金鸚鵡瑞麥旗各一第八隊孔雀兕

甘露網子角觶旗各一並各為一列第九隊犛牛旗一

設於孔雀旗後右廂第一隊同左廂第一第二隊尾箕



斗牛女宿旗各一第三隊婁胃昂畢觜宿旗各一第四隊星張翼軫駃騠旗各一第五至第八隊並同左廂第五至第八第九隊騶牙旗蒼烏旗各二相間爲一列

每旗執三人俱北向員僚二人押黃麾立於龍鳳旗之北左右

廂五色龍鳳旗之東西各設黃麾幡二次告上幡傳教

幡信幡各五次絳麾幡二次絳引幡五員僚五人押黃

麾立於龍鳳旗北少東排欄旗三十自黃麾幡東西排

列以次於南每旗執三人俱北向鐙杖哥舒各三十於殿東

西兩廂排列鐙杖起北哥舒間之俱東西相向左右廂

執白柯槍各七十五人東西相向又於騶牙旗南設大

黃龍旗一在殿門裏少西執槍二十人小黃龍旗一在

大黃龍旗後少西執槍三人次大神旗六分左右衛尉

寺押當儀仗職掌四人排列通直官二人大將二人節

級二人檢察六人左右金吾仗司押當職掌排列各官

一人執掌大將檢察凡大朝會儀衛有司皆依令式陳

設

初宋制有黃麾大仗半仗角仗細仗南渡後儀仗尤簡

惟造黃麾半仗角仗細仗而大仗不設中興大朝會四

朝惟一講紹興十五年三月朔旦是也然止以大仗三

分減一用三千三百五十人自是正旦冬至俱免大朝



賀以爲定例焉黃麾半仗者大慶殿正旦受朝兩宮上冊寶之所設也用二千四百一十五人其內儀仗官兵等一千八百三人兵部職掌五人統制官二人皆幞頭公裳腰帶靴笏金吾司碧欄三十二人幞頭碧欄衫銅革帶執儀刀將官二人幞頭緋抹額紫繡羅袍背騰蛇銅革帶執儀刀旁頭一十人素帽紫紬衫纈衫黃勒帛執銅仗子金銅甲二人兜鍪甲衫錦臂衣執金銅鉞斧絳引幡十告止幡傳教幡信幡各二執幡人皆武弁緋寶相花衫勒帛黃麾幡二執幡人武弁黃寶相花衫銅革帶小行旗三百人素帽五色抹額緋寶相花衫勒帛五色小斝三百人儀鎗四十人皆纈帽五色寶相花衫勒帛金節一十二人武弁青寶相花衫銅革帶叉叉三十人素帽五色寶相花衫勒帛綠稍二百一十人素帽緋寶相花衫勒帛烏戟二百一十人纈帽緋寶相花衫勒帛白柯槍六十人素帽子銀褐寶相花衫勒帛儀弓二百七十人纈帽青寶相花衫勒帛儀弩六十人平巾幘緋寶相花衫勒帛銅仗子二十人素帽紫紬衫黃勒帛儀刀百八十四人平巾績緋寶相花衫內大旗下六百一十二人大旗三十四龍旗一十鳳旗一十五星旗五嶽旗各五青龍旗白虎旗孔雀旗玄武旗各一每旗



扶拽一十七人搭材一名武弁五色寶相花衫勒帛其  
外殿中輿輦繖扇百三十三人逍遙平輦各一每輦人  
員八人帽子宜男纈羅單衫塗金銀柘枝腰帶輦官二  
十人僕頭白獅子纈羅單衫塗金銀海捷腰帶紫羅  
裏夾三檐中道繖扇六十六輦官七十人素方繖四十  
四人弓脚僕頭碧纈衫塗金銅革帶烏皮履繡紫方繖  
六花團扇二十八人雉扇二十二二人準備四人皆武  
弁緋寶相花袍銅革帶鳳扇二十二二人黃抹額黃寶相  
花袍黃勒帛編排儀仗職掌五人立殿下繖扇後烏皮  
介幘緋羅寬衫白羅大帶其黃麾小半仗者大慶殿冊  
皇太子及穆清殿皇后受冊之所設也用一千四百九  
十九人其內儀仗官兵等八百八十七人兵部職掌十  
二人金吾司碧纈三十人絳引幡二告止幡一傳教幡  
一信幡一用十五人黃麾幡一三人小行旗百八十人  
五色小斝子百八十人金節十二人儀鎗斧二十三人  
綠稍七十五人烏戟七十五人白柯槍八十一人儀弓  
六十三人儀弩四十五人銅仗子一十人儀刀六十七  
人統制官將官牽頭金銅甲皆與前半仗同內大旗下  
六百一十二人殿中輿輦繖扇百三十二人皆同前半  
仗其黃麾角仗者大慶殿冬至受朝紫宸殿卽位兩宮



賀節慶壽紫宸殿受金使朝之所設也用一千五千六  
人內金吾司放仗官二人統制官一人攝大將軍六人  
旁頭五人黃麾幡一三人絳引幡八二十四人金節十  
二人儀弓七十人儀弩五十人儀刀七十人儀鎗斧一  
十三人白柯槍三十人綠稍七十人烏戟七十人小行  
旗三百人五色小斃三百人銅仗子三十人其黃麾細  
仗者大慶殿文德殿發冊及進國史之所設也東都用  
一千四百二人中興後或用百人至五百人隨事增損  
而其執仗有四小行旗五色小斃儀刀銅仗子其服色  
有四纓帽子素帽子平巾幘武弁冠五色寶相花衫勒

○大朝會之外有日參四參六參朔參望參朔參用  
釐務不釐務通直郎已上望參用釐務通直郎以上宣  
制非時慶賀以望參官餘以朔參官四參官謂宰執侍  
從武臣正任文臣卿監員郎監察御史已上四參遇雨  
則改日參在京宮觀奉朝請者赴六參高宗移蹕臨安  
殿無南廊遇雨雪則日參官於南閣內起居宰執使相  
立簷下侍從兩省臺諫官以下立南閣內卿監郎官武  
功大夫以下立東西廊紹興十二年十月有司請行正  
至朝賀禮及講求祖宗故實常朝視朝正衙便殿之儀  
乃討論朔日文德殿視朝紫宸殿日參望參垂拱殿日



參四參假日崇政殿坐聖節垂拱紫宸殿上壽之制請  
先御正殿視朝十一月禮部侍郎王賞言正至大慶賀  
受朝係御大慶殿與文德紫宸垂拱殿禮制不同月朔  
視朝則御文德殿謂之前殿正衙設黃麾半仗其餘紫  
宸垂拱皆係別殿不設儀仗今大慶殿朝會禮文繁多  
欲先舉行文德殿視朝之制時行宮止一殿乃更作崇  
政垂拱二殿御史臺請以射殿爲崇政殿朔望權置帳  
門以爲紫宸殿宣赦書德音麻制以爲文德殿羣臣拜  
表聽御札批答權作文德殿東上閣門其垂拱殿四參  
於殿門外設位版十二年始視朝于文德殿設黃麾半  
仗二千四百十五人六月紫宸殿望參設黃麾角仗一  
千五十六人自是後殿坐及射殿引呈公事以日景已  
高依舊制設衛士青涼繖十淳熙十四年詔引呈射殿  
公事殿門外排立御馬如後殿之儀○大朝會儀舊制  
垂拱殿設簾殿上駐輦候起居稱賀班絕乘輦樞密知  
閣門官樞密都副承旨諸房副都承旨前導管軍引駕  
至大慶殿後幄降輦入次更衣紹興十五年正月朔旦  
以二殿經塗與東都異乃以常御殿爲垂拱殿免駐輦  
設簾帷設椅子稱賀畢過大慶殿後幄前期儀鸞司設  
御榻於大慶殿中南向設東西房於御榻左右稍北設



東西閣於殿後左右殿上前楹施簾設香案於殿下太常展宮架樂於殿庭橫街之南其日御輦院陳輿輦繖扇於殿下東西相向兵部陳五輅於皇城南門外俱北向騏驥院列御馬於殿門外東西相向兵部帥屬設黃麾仗三千三百五十人於殿門內外以殿狹輦出房不鳴鞭淳熙十六年正旦行稱賀禮比政和五禮月朔視朝儀皇帝御大慶殿服鞞袍卽御坐皇太子文武百僚常服稱賀而設黃麾半仗二千四百十五人及冬至朝賀設黃麾角仗一千五十六人著爲令而大明會儀自紹興十五年以後不設

宋史卷一百四十四

儀衛志第九十七

宋史卷一百四十三終

驛府儀司上柱國錄軍國重事置黃右丞相驛國史領經筵事都總裁脫等修

皇明朝列大夫國子監祭酒方從哲

承德郎右春坊右中允管國子監司業黃汝良等奉

勅重校刊

儀衛二宮中導從 太上皇儀衛 行幸儀衛 后妃儀衛

宮中導從之制唐已前無聞焉五代漢乾祐中始置主輦十六人捧足一人掌扇四人持踏牀一人並服文綾袍銀葉弓脚幞頭尚宮一人寶省一人高鬚紫衣書省二人紫衣弓脚幞頭新婦二人高鬚青袍大將二人紫

萬曆二十七年刊

宋史卷一百四十四

儀衛志



衣弓脚幞頭童子執紅絲拂二人高髻髻青衣執犀盤  
二人帶鬚頭黃衫執翟尾二人帶鬚頭黃衫雞冠二人  
紫衣分執金灌器唾壺女冠二人紫衣執香爐香盤分  
左右以次奉引太宗太平興國初增王輦二十四人改  
服高脚幞頭輦頭一人衣紫繡袍持金塗銀仗以督領  
之奉珍珠七寶翠毛華樹二人衣緋袍奉金寶山二人  
衣綠繡袍奉龍腦合二人衣緋銷金袍並高脚幞頭執  
拂翟四人鬚頭衣黃繡袍舊衣綾袍紫衣者悉易以銷  
金及繡復增司簿一人內省一人司儀一人司給一人  
皆分左右前導凡一十七行每正至御殿祀郊廟步輦  
出入至長春殿用之其乘輦則屈右足垂左足而憑几  
蓋唐制也真宗時加四面內官周衛大中祥符三年內  
出繪圖以示宰相

行幸儀衛宋初三駕皆以待禮事車駕近出止用常從  
以行其舊儀殿前司隨駕馬隊凡諸班直內殿前指揮  
使全班祇應左班七十六人二十四人在駕前左邊引  
駕五十二人作兩隊馬隨駕右班七十七人二十四人  
在駕前右邊引駕五十三人在駕後作兩隊隨駕二十  
七人第一隊二十六人第二隊內殿直五十四人散員  
六十四人散指揮六十四人散都頭五十四人散祇候



五十四人金槍五十四人茶酒班祇應殿侍百五十七人東第二班長入祇候殿侍十八人駕後動樂三十一人馬隊弩手分東西八十五人招箭班三十五人散直百七人鈞容直三百二十人御龍直百四十二人御龍骨朶子直二百二十人並全班祇應御龍弓箭直百三十三人御龍弩直百三十三人寬衣天武指揮二百一十六人各有都虞候指揮使員僚若隨馬不使馬隊即減內殿直散員散指揮散都頭散祇候金槍等直仍減東西班馬隊弩手八十五人餘並同上凡皇城司隨駕人數崇政殿祇應親從四指揮共二百五十二人執擊骨朶子充禁衛

崇政殿門外快行祇候親從第四指揮五十四人車駕

導從兩壁隨行親從親事官共九十六人並於駕前先行

行行幸所到之處充行宮司把門灑掃祇應各有正副都頭節爺

十尚書兵部供黃麾仗內法物平鼻各一五色繡髦子

並龍頭竿挂第一青繡孔雀髦第二緋繡鳳髦第三青

繡孔雀髦第四阜繡鵝髦第五白繡鵝髦第六黃繡雞

髦右六軍儀仗司供儀仗法物內獅子旗四口充門旗

二口各一人執分左右二口各十人執擔分左右擔人

執弓箭又左金吾引駕仗供牙門旗十四口十口開五

門每門二口每口一人執二人夾計三十人並騎夾人



執弓箭監門校尉二十人每門四人並帶儀刀騎二口  
係前部甲第七隊前二口係前部黃麾第一隊前二口  
係後部黃麾第一隊前二口係後步甲第一隊前二口  
係後步甲第七隊前四口開二門每門二口每口一人  
執二人夾計十二人並騎監門校尉六人並帶儀刀騎  
二口係兵部班劍儀刀隊後二口係真武隊前又右金  
吾引駕仗供牙門旗十四口制同左仗仁宗康定元年  
參知政事宋庠言車駕行幸非郊廟大禮具陳鹵簿外  
其常日導從惟前有駕頭後擁繖扇而已殊無禮典所  
載公卿奉引之盛其侍從及百司官屬下至廝役皆雜  
行道中步輦之後但以親事官百餘人執梃以殿謂之  
禁衛諸班勁騎頗與乘輿相遠士庶觀者率隨扈從之  
人夾道馳走喧呼不禁所過旗亭市樓垂簾外蔽士民  
馮高下瞰莫爲嚴憚邏司街使恬不呵止威令弛闕玩  
習爲常非所謂旄頭先驅清道後行之慎也且自黃帝  
以神功盛德猶假師兵營衛則防微御變古今一體案  
漢魏以降有大駕小駕之儀至唐又分殿中諸衛黃麾  
等仗名數次序各有施設國朝承五姓荒殘之弊事從  
簡略每鳴鑿游豫盡去戈戟旌旗之制儀衛寡薄頗同  
藩鎮此皆制度放失憚于改作之咎宜委一二博學近



臣計繹前代儀注及鹵簿令以乘輿常時出入之儀比之三駕諸仗酌取其中稍增儀物具嚴法禁以示尊極以防未然革去因循其在今日詔太常禮院與兩制詳定參以舊儀別加新制兩制同禮官議略準小駕制度添清道馬罕畢旗斃等物別為常行禁衛儀加清道馬百匹並帶器械分五行行二十人請下殿前司罕畢各一分左右並騎牙門旗前後各四分左右並騎緋繡鳳斃二十四分左右並騎以上請下殿前司於諸班內差充雉扇十二分左右請以親從官內差充以上新添百六十二人凡天武官舊二百一十六人空行今添執哥舒為一重親從官舊百四

十五人今添百五十五人通為三百人為一重殿前指揮使舊四十八人今添百三十二人通為二百人或於近上諸班相兼差充並騎為一重以上因舊人數添舊百九人新添二百七人共七百一十六人凡駕前殿前指揮使親從官為二重左右相對各開二門約二丈每門並差人員二人押當第一門與通事舍人相對第二門與閣門使相對每有臣僚迎駕起居並令中道候起居畢於左右門出其諸色人止令於牙門旗前道傍起居不得便入禁衛中每門外重令殿前指揮使執旗二面以表門用轉光錯絲旗通上計五重皆掩後團轉凡百司祇應人於禁衛內無執掌者及隨駕臣僚除合將入禁衛



隨從人數外餘並令於殿前指揮使行外左右前後行  
凡前牙門旗以後後牙門旗以前屬禁衛中不得輒入  
凡中書樞密院臣僚並於從內第三重寬衣天武內行  
馬其餘隨駕文武臣僚並在從內第四重殿前指揮使  
內分左右依官位行馬凡車駕經歷去處若有樓閣並  
不得垂簾障蔽及止絕士庶不許臨高瞰下止於街兩  
傍立觀不得夾路喧嘩馳走前牙門以前後牙門凡車  
駕未出皇城門宣德左右掖東華拱宸門及已至所幸  
處卽自有門禁不用牙門旗約束凡車駕已在道前牙  
門旗雖行後牙門旗未行除止絕閑雜行人外其隨駕  
臣僚官司人等並依常例次第赴合隨從及行馬去處  
凡前牙門旗在清道馬後約十步已來後牙門旗在駕  
後殿前指揮使之後凡街巷寬闊處儀衛並依新圖排  
列如遇窄狹街巷禁衛止用親從官二重御龍直二重  
雉扇隨輦其後前指揮使天武官並權分於駕前後隨  
行後至寬闊處乘輿徐行儀仗依舊排列或駕幸園苑  
宮觀寺院并臣僚宅卽清道馬儀仗殿前指揮使天武  
官更不入惟於外排立其隨駕臣僚及諸司人自依常  
例隨從候駕行依次排列或臣僚宅在巷內前去不通  
人行處其儀仗殿前指揮使等各於巷口排立止絕行



人餘並如故時詳定閱習既畢或言新制嚴密慮違犯者衆因不果行嘉祐六年先是幸睦親宅抱駕頭內臣墜馬壞駕頭太常禮院閣門及整肅禁衛所請自今車駕出以閣門祇候并內臣各二員分駕頭左右扇篋後編攔仍以皇城司親從官二十人隨之哲宗紹聖二年詔車駕行幸儀衛駕後東西班殿侍馬兩隊發充駕前編攔分兩壁行於前引行門之前隨身器械各別給銀骨朶一駕後馬隊殿前指揮使馬以百人分四隊不足據人數均差仍別差人員六人內殿直散員散指揮散都頭散祇候並增作一百四人分四隊內人員各四人

金槍班添一隊作七十八人內人員三人弩手班添兩

隊充填撥過東西班殿侍馬兩隊禁衛御龍直弓箭直弩直長行仍各添給銀骨朶禁衛外添差編攔天武人員長行共二百人揀選有行止舊人充出入止於宣德門外至行在所卽止於行宮門外南渡後乘輿出入初未有儀高宗將迎韋太后于郊因製常行儀仗用黃麾仗二千二百六十五人孝宗朝德壽宮城一千人用殿前司六百二十九人皇城在內巡檢司三百九十一人崇政殿四百四十九人凡一千四百六十九人四孟詣景靈宮用殿前司八百七十五人皇城在內巡檢司五



百二十八人崇政殿五百二十一人凡一千九百二十四人九年正月詔駕出御後殿坐宰執百官儀衛等赴後殿起居殿上登輦出後殿門駕回入祥曦殿門

太上皇儀衛隆興元年孝宗嗣位詔有司討論德壽宮輿輦儀衛先是紹興三十二年六月詔上皇日常朝殿差御龍直四十三人執仗排立并設繖扇鳴鞭宰執退朝仍赴德壽宮起居如遇行幸令禁衛所隨以祇應兩奉上皇旨却而不受故復有是詔尋有司上言漢之未央唐之興慶其車輦儀衛不載今父堯子舜事親典禮凡往古來今所未備者當以義起極其尊崇爲萬世法

遂定宰執百官詣德壽宮起居則禁衛所依後殿坐儀排列禁衛二百九十七人祇應行幸則禁衛所差行門禁衛諸班直天武親從官及繖扇鳴鞭燭罩等合五百人隨行扈從前引七十人內行宮殿前崇政殿親從一十人都下親從二十人快行親從二十人殿前指揮使二十人中道六十人編排禁衛行子一十人執從物御龍直三十人執繖扇天武一十人從政殿親從攔前一十人禁衛圍子四重四百人第一崇政殿親從一百人第二御龍直骨朵直弓箭直三十人東西班七十人第三執燭罩都下親從一百人第四內殿直一十人散員



散指揮散都頭散祇候金鎗銀鎗班各一十人後從殿前指揮二十人

皇太后儀衛自乾興元年仁宗卽位章獻太后預政侍衛始盛用禮儀院奏製皇太后所乘輿名之曰大安輦天聖元年有司言皇太后車駕出合設護衛御龍直都虞候一人都頭二人副都頭一人長行五十人十將已下骨朶子直都虞候一人都頭二人副都頭二人十將長行八十人弓箭直指揮使一人都頭二人副都頭二人十將長行五十人弩直指揮使一人都頭二人副都頭二人十將長行五十人殿前指揮使兩班左班都虞候一人都頭一人行門三人長行二十人帶器械右班

指揮使一人都頭一人行門三人長行二十人帶器械皇城司禁衛二百人寬衣天武二百人供御輦官六十二人寬衣天武百人餘諸司祇應鳴鞭侍衛如乘輿之儀詔依嘉祐八年英宗卽位太常禮院言準詔再詳定皇太后出入儀衛御龍直都頭二人長行二十五人骨朶子直都頭二人長行四十人弓箭直都頭二人長行二十五人弩直都頭二人長行二十五人殿前指揮使兩班各都頭一人行門各二人長行各一十人帶器械皇城司禁衛一百人寬衣天武一百五十人打燈籠子



親事官八十人入內都知御藥院官各一員內東門司使臣二員御輦院短鐙教駿攏馬親事官入內院子諸司并入內侍省祇應內品人數不定詔依治平元年詔太皇后出入唯不鳴鞭他儀衛如章獻明肅故事四年神宗嗣位詔太皇太后儀範已定皇太后合設儀衛御龍直骨朶子直差都虞候都頭副都頭各一人十將長行各共三十人弓箭直弩直差指揮使都頭副都頭各一人十將長行各共二十人皇城司親從官一百人執骨朶寬衣天武官百五十人充圍子行宮司人員共一百人入內院子五十人充圍子皇城司親事官八十人打燈籠短鐙馬攏馬親從官金銅車樓車隨車子祇應人擎檐子供御輦官執擎從物等供御次供御并下都輦直等人數不定都知一員御藥院使臣二員內東門司使臣二員內酒坊御厨法酒庫儀鸞司鄆酪院翰林司翰林院車子院御膳素厨化成殿果子庫並從遇出新城門添差帶器械內臣哲宗卽位元祐元年詔太皇太后出入儀衛並依章獻明肅皇后故事其不可考者則依慈聖光獻皇后之例既而又詔太皇太后出入儀衛添御龍骨朶子直三十六人御龍弓箭直四十五人御龍弩直四十五人皇城司禁衛五十人馬隊二百



五十人東西班茶酒班殿侍共一百人快行增至二十人軍頭引見司監官二員並將帶承局等子依隨駕例祇應鈞容直并勅樂殿侍則候開樂取旨仁英哲之世太后臨朝垂簾儀從亦不崇侈止曰儀衛無鹵簿名也南渡後尤簡其車以輿不以輦餘惟繖扇而已紹興奉迎太母極意備禮然猶曰太后天性朴素不敢過飾儀從器物惟塗金輿前用黃羅繖扇二緋黃繡雉扇六紅黃緋金拂扇二黃羅暖扇二朝謁景靈宮太廟則用禁衛諸班直天武親從五百人其前引中道圍子同上皇儀衛而差省焉

皇太妃出入儀衛哲宗紹聖元年三省樞密院言增崇皇太妃出入儀衛龍鳳扇二十侍從官入內省都知或押班一員內侍省都知或押班一員皇城司御藥院內東門司各一員帶御器械內侍八員引喝內侍一員殿前指揮使三十二人內人員二人御龍直三十三人骨孕子直三十三人弓箭直二十三人弩直二十三人天武官一百五十四人皇城司禁衛一百人入內院子五十人行宮司一百人輦官供御六十二人次供御四十九人下都五十八人燭籠七十諸司御燎子茶牀快行親從四人禮部太常寺又言元祐三年詔皇太妃繖用



紅黃羅參議得皇太后出入兼用紅黃今皇太妃若亦用黃則非差降之意伏請紅黃兼用從太皇后出入則止用紅徽宗崇寧元年臣僚言元符皇后先帝皇后也其典禮宜極褒崇於是約聖瑞皇太妃之制出入由宣德正門增龍鳳扇二十御龍直十二人御龍骨孕子直十七人御龍弓箭直十二人御龍弩直二十二二人殿前指揮十三人皇城司禁衛二十人快行親從官四人執燭皇城司親從官金銅車并樓車隨時定數供湏行幸藥架一坐勾當官吏人二員封題一員藥童三人擡檠藥架輦官十一人秤庫子視事官量差人數祇應從之

二年臣僚又言元符皇太后元符未嘗預定策之勲以承神宗哲宗之志禮部太常寺奏典禮準聖瑞皇太妃例侍從官入內內侍省都知或押班一員皇城御藥內東門司官各一員御輦院輪官隨從諸司御燎子茶林帶御器械內侍十人引喝內侍一人輿用龍鳳繖紅黃兼用出入由宣德東門今欲出入由宣德正門龍鳳扇二十柄今添作三十柄輦官供御六十二人次供御四十九人都下五十八人御龍直三十三人今添作四十五人御龍骨孕子直三十三人今添作五十人御龍弓箭直三十三人今添作四十五人御龍弩直二十三人今



添作四十五人殿前指揮三十二人今添作四十五人  
內臣二人皇城司一百人禁衛今添作一百二十人天  
武官一百五十四人行宮司一百人入內院子五十人  
快行親從官四人今添作八人執燭皇城司親從官金  
銅車并轎車隨時內中批出合要數供湏行幸藥架一  
坐勾當官一員吏人二員封題一員藥童三人擡藥藥  
架輦官十一人秤庫子親事官量差人數祇應從之  
皇后儀衛惟東都政和禮有鹵簿他無鹵簿之名惟曰  
儀衛而已中興後皇太后既尚簡素后尤簡焉出入朝  
謁宮廟用應奉御輦官一員人吏三人供應六十三人  
內人員十五人頭帽紫羅四襖單衫金塗銀柘枝腰帶  
肩擎輦官四十八人幞頭緋羅單衫金塗海捷腰帶紫  
羅表夾三檐緋羅看帶次供應十四人內人員一人服  
同上惟海捷帶輦官一十三人服同肩擎官惟行獅帶  
都下五十四人內人員一人帽服同前輦官五十三人  
服同上輦官惟雲鶴帶



開府儀同司在國錄軍國軍事前書臺相監國史領經筵事都總裁脫脫等修

皇明朝列大夫國子監祭酒臣方從哲

承德郎右春坊右史管國子監司業事臣黃汝良等奉

勅重校刊

儀衛三 國初鹵簿

國初鹵簿太祖建隆四年將郊祀大禮使范質與鹵簿使張昭儀仗使劉溫叟同詳定大駕鹵簿之制惟得唐長興南郊鹵簿字圖校以今文頗有闕略違戾者禮儀使陶穀建議金吾及諸衛將軍導駕及押仗舊服紫衣



請依開元禮各服本色繡袍金吾以辟邪左右衛以瑞馬驍衛以雕虎威衛以赤豹武衛以瑞鷹領軍衛以白澤監門衛以獅子千牛衛以犀牛六軍以孔雀爲文舊執仗軍士悉衣五色畫衣隨人數給之無有準式請以五行相生之色爲次黑衣先之青衣次之赤黃白又次之大駕五輅各有副車近代浸廢請依令文增造又案明宗舊圖導駕三引而儀仗法物人數多周太祖鹵簿六引而人數少請準令文用六引其鹵簿各以本品以給從之舊清游隊有甲騎具裝亡其制度穀以其所記造之又作大輦皆率意定其制穀又取天文大角攝提列星之象作攝提旗及北斗旗二十八宿旗十二辰旗龍墀十三旗五方神旗五方鳳旗四瀆旗時有貢黃鸚鵡白兔及馴象自來又作金鸚鵡玉兔馴象旗太祖又詔別造大黃龍負圖旗一大神旗六日旗一月旗一君王萬歲旗一天下太平旗一獅子旗二金鸞旗一金鳳旗一五龍旗五凡二十一旗皆有架南郊用之大黃龍負圖旗陳於明德門前餘二十旗悉立於宿頓宮前遇朝會冊禮亦皆陳於殿庭凡馬步儀仗共一萬一千二百二十二人悉用禁軍大將軍將軍以軍主都虞候攝事中郎將都尉以指揮使副指揮使攝事校尉主帥以



軍使副兵馬使都頭副都頭十將攝事乾德三年蜀平  
命左拾遺孫逢吉收蜀法物其不中度者悉毀之是歲  
太祖親閱鹵簿四年始令改畫衣爲繡衣至開寶三年  
而成謂之繡衣鹵簿其後郊祀皆用之軍衛羽儀自是  
寢甚每大祀命大禮儀儀仗鹵簿橋道頓遞五使鹵簿  
使專掌定字圖排列儀仗使糾督之大禮及餘使同按  
閱致齋日巡仗又命殿前大校管勾捧日奉宸隊侍衛  
大校勾當儀仗兵隊捧日天武廂主四人編緋捧日奉  
宸隊及執仗人內諸司使副使三員同押儀仗別二員  
編排導引宮六年詔節度使已下除在京巡檢及押儀  
仗外並合服袴褶衣導引太宗至道中令有司以絹畫  
爲圖圖凡二幅中幅車輅六引及導駕官外兩幅儀衛  
其警場青城又別爲圖圖成以藏祕閣凡仗內自行事  
官排列職掌并捧日奉宸散手天武外步騎一萬九千  
一百九十八人此極盛也真宗咸平五年詔南郊儀仗  
引駕官不得多帶從人宰臣親王樞密宣徽使參知政  
事樞密副使三司使各四人尚書節度使翰林學士侍  
讀侍講學士各三人給事諫議知制誥大卿監金吾大  
將軍樞密都承旨副承旨客省閣門使副使諸司使副  
使至內殿崇班各二人少卿監諸行郎中已下閣門祇



候已下各一人又詔南郊引駕官中書樞密院一行在東親王一行在西餘依官次大中祥符元年改小駕爲鸞駕自太祖易繡衣鹵簿後太宗真宗皆增益之仁宗卽位儀典多襲前世宋綬定鹵簿爲圖記十卷上之詔以付祕閣凡大駕用二萬六十一人大率以太僕寺主車輅殿中省主輿輦繖扇御馬金吾主燾稍十六騎引駕細仗牙門六軍主檜仗尚書兵部主六引諸隊大角五牛旗門下省主寶案司天臺主鐘漏太常主鼓吹朝服法物庫出旗器名物衣冠幟蓋軍器庫出箛弩矢內弓箭庫出戎裝雜仗凡六引導駕太僕卿千牛將軍殿中侍御史司天監少府監僚佐局官乘黃令大將軍金吾上將軍將軍六統軍皆以京朝官內諸司使副使以下攝事仗內用禁軍諸班直捧日天武拱聖神勇宣武驍騎武勝寧朔虎翼兵大將軍將軍以軍主都虞候攝中郎將郎將都尉以指揮使副指揮使攝校尉主帥旅帥隊正以軍使副兵馬使都頭副都頭十將攝餘法駕鸞駕黃麾仗則遞減其數景祐五年賈昌朝言儀衛三事一曰南郊鹵簿車駕出宮詣郊廟日執毬杖供奉官於導駕官前分列迎引至於齋宮夫毬杖非古蓋唐世尚之以資玩樂其執之者皆褻服綿繡珠玉過於侈麗旣



不足以昭文物又不可以備軍容常時豫游或宜施用  
方今夙夜齋戒親奉大祀端冕顯昂鼓吹不作而乃陳  
戲賞之具參簪紳之列導迎法駕入于祠宮稽諸典儀  
未爲允稱况導駕官兩省員數悉備何煩更有此色供  
奉官謂宜徹去毬杖俟禮畢還宮鼓吹振作卽復使就  
列二曰大駕鹵簿有羊車前列臣按羊車本漢晉之代  
乘於後宮隋大業中增金寶之飾以駕小駟馭以壯童  
自是以來遂爲法從唐制兼有輦車副車之名國朝因  
循尚未改革竊以郊祭天地廟見祖宗車服所陳動必  
由禮至於四望耕根之屬兼包歷代皆或有因豈容後  
宮所乘參陪五輅欲望大駕不用羊車所冀肅恭稽合  
典禮三曰南郊大駕鹵簿儀衛甚衆有司雖依典禮名  
物次第兵杖數目預先分布及五使量行案閱其如被  
差執掌吏員兵伍素不閑習行列先後多失次序所持  
名物亦或差互押當官但以行事爲名從便趨進失其  
處守竊謂三載親郊國之大事旁陳象物仰法乾行四  
方之人觀禮於是宜詳制度以示光華請大駕鹵簿前  
後仗衛次第於致齋前命儀仗鹵簿使令有司執簿籍  
率押當官暨諸衛諸有執仗士卒將領者自殿門至郊  
廟分列之處詳視先後及器仗名品無令差忒詔禮儀



使宋綬與太常禮院同詳定以奏綬奏鹵簿內有諸司供奉蓋資備物以奉乘輿今昌朝言宿齋之時不可陳玩樂之具請郊祀前一日應供奉官等令宿幕次俟皇帝行禮畢降壇導至青城由青城前導歸大內後漢劉熙釋名曰羸車羊車各以所駕名之也隋禮儀志曰漢氏或以人牽或駕果下馬此乃漢代已有晉武偶取乘於後宮非特爲掖庭制也况歷代載於輿衛志自唐至今著之禮令宜且仍舊其鹵簿儀仗遇南郊前五使預閱素備願依昌朝所奏下儀仗鹵簿使加點閱使之齊肅皇祐二年將享明堂鹵簿使奏法駕減大駕三分之一而兵部亡字圖故本且文牘散逸雖粗有名數較之禮令未有以裁其中詔禮官與兵部加考正爲圖以奏及上圖法駕鹵簿用萬有一千八十八人嘉祐二年祫享用禮儀使奏南郊仗金吾上將軍六統軍左右千牛皆服紫繡戎服珂珮騎而前節度使亦衣袴褶導駕如舊例是月禮官奏南郊還在禮當乘金輅而或詔乘大輦宜著于令常以大輦從六年幸睦親宅內侍抱駕頭墮馬駕頭壞御史中丞韓絳奏請嚴儀衛事下閣門太常禮院議遂合奏車駕出請以閣門祇候及內侍各二員扶駕頭左右次扇篋又以皇城親從兵二十人從其後



神宗熙寧七年詔太常看詳兵部大駕鹵簿字圖遂奏  
言制器尚象有其數者必有其義後世車駕儀仗多雜  
秦漢制度當革其尤者周禮車僕凡師共革車各以其  
萃萃副車也諸輅之副宜次正輅羊車前代宮中所乘  
五牛旗蓋古之五時副車也以木牛載旗用人輿之失  
其本制宜除去從之元豐元年詳定所言大駕輿輦仗  
衛儀物兼取歷代所用其間情文訛舛甚衆或規模苟  
簡而因循已久或事出一時而不足爲法詔令更定於  
是請去二十八宿五星攝提旗所繪人形及龍虎仙童  
大神金鸚鵡黃鸚鵡網子騰蛇神龜等旗舊制親祠南  
郊皇帝自太次至版位內侍二人執翟羽前導號曰攝  
翟拂翟不出禮典乃漢乾祐中宮中導從之物不宜用  
諸郊廟詔可又禮文所言近制金輅不以金飾諸末象  
輅不以象飾諸末革輅不鞮木輅不漆請改飾四輅太  
常則繪三辰加升龍降龍大旂則繪交龍大赤鳥隼大  
白熊虎大麾龜蛇而去其雲龍使之應禮又古者五輅  
皆載旗謂之道德之車考工記車戟崇於及酋矛崇於  
戟各四赤戟矛皆挿車騎謂之兵車戰國尚武故增挿  
四戟謂之闡戟則知德車武車固異用矣漢鹵簿前驅  
有鳳凰闡戟猶未施於五輅江左以來五輅乃加棨戟



於車之右韜以黼繡之衣後周司輅左建旗右建闕戟以闕戟方六尺而被之以黼皆戾於古請去五輅闕戟以應道德之稱而建太常於車後之中央升輅則由左又按周禮大馭掌馭玉輅以祀則祀乘玉輅也齋僕掌馭金輅齋右充金輅之右則齋乘金輅也齋祀之車異用而不相因國朝親祠太廟致齋文德殿翌日卽進玉輅非制請進金輅僕太廟祠畢翌日御玉輅詣郊又周禮戎右職曰會同充革車儀禮曰貳車畢乘禮記曰乘君之乘車不敢曠左左必式蓋十口者後車餘輅不敢曠空必使人乘之所以別曠左之嫌也自秦兼九國車服西

漢因之大駕屬車八十一乘後漢志云尚書御史所載揚雄曰鴟夷國器託於屬車卽是漢之屬車非獨載人又以載物亦儀禮所謂畢乘之義也國朝鹵簿車十二乘虛設於法駕之後實近曠左之嫌請令尚書御史乘之或以載乘輿服御又言法駕之行必有共輿者蓋以承清問周官有太僕齋僕道僕所以御車至冬乘則其禮益重故道德之車則有齋右道右武車則有戎右皆以士大夫爲之國朝之制乘輿有太僕而無參乘請增近臣一員立車右其後詔增製五輅及參乘玉輅建太常金輅建大旂象輅建大赤革輅建大白木輅建大麾



諸輅之副各次正輅仍存闕戟焉時大駕鹵簿仗下官  
一百四十六員執仗押引從軍員職掌諸軍諸司二萬  
二千二百二十一人初玉輅自唐顯慶中傳之號顯慶  
輅神宗更製新玉輅六年正月御大慶殿受朝先夕陳  
諸庭夜半徹幕室壓焉自是竟乘舊輅徽宗建中靖國  
元年太常寺狀具南郊儀仗人兵二萬一千五百七十  
五人政和四年禮制局言鹵簿六引儀仗信幡承以雙  
龍大角黑漆畫龍紫繡龍袋長鳴次鳴大小橫吹五色  
衣幡緋掌畫交龍按樂令三品以上緋掌畫蹲豹蓋唯  
乘輿器用並飾以龍今六引內係羣臣鹵簿而旗物通  
畫交龍非便合釐正七年兵部尚書蔣猷請令有司取  
天聖鹵簿圖記更加考正可否而因革之詔如其請宣  
和元年蔡攸被旨改修凡人物器服畫從古制飾以丹  
采三十有三卷

高宗初至南京孟太后以乘輿服御及御輦儀仗來進  
建炎初詔東京所屬起發祭器法服儀仗赴行在所十  
一月帝郊於揚州儀仗用一千三百五十五人倉卒渡  
江皆爲金兵所焚紹興十二年有司言天子起居當備  
法駕况太母回鑾將奉郊迎遂令工部尚書莫將等檢  
會本朝文德大慶殿舊儀下太常定用二千二百六十



五人於是始備黃麾仗慶冊親饗皆用焉是年冬玉輅成明年郊準國初大駕之數一萬一千二百二十二人內舊用錦襖子者以纈繪代用銅革帶者以勒帛代而指揮使都頭仍舊用錦帽子錦臂袖者以方勝練鵲羅代用纈者以紬代禁衛班直服色用錦繡金銀真珠比珠者七百八十人以頭帽銀帶纈羅衫代旗物用繡者以錯采代車路院香鐙案衣褥睥睨御輦院華蓋曲蓋及仗內幢角等袋用繡者以生色代殿前司仗內金鎗銀鎗旗榦易以漆飾而拂扇坐褥以珠飾者去之帝曰事天貴質若惟事華麗非初意矣十月鹵簿器物及金象革木四輅大安輦皆成太常又奏前後六引鼓吹八百八十四人舊制騎今路狹擁遏欲止令步導從之十六年始增捧日奉宸隊合一萬五千五十人鹵簿之制備矣三十一年九月行明堂禮儀物視郊祀省三之一用一萬一十五人孝宗隆興二年正月以鹵簿勞民乃令有司條具其可省者次年郊祀止用六千八百八十九人蓋減紹興二十八年人數之半也乾道六年之郊雖仍備五輅大安輦六象而人數則如舊焉自後終宋之世雖微有因革大抵皆如乾道六年之制若明堂則四輅大安輦皆省止用三千三百十九人故事祀前二



日詣景靈宮皆備大駕儀仗乘輅中興後以行都與東都不同前二日止乘輦次日自太廟詣青城始登輅設鹵簿自紹興十三年始也車駕遇雨玉輅施障從駕臣僚賜雨具中道遇晴則撤郊壇遇雨則就青城放御仗道遙子還宮導駕官免步導

大駕鹵簿象六中道分左右次六引中道第一開封令

第二開封牧駕從餘州縣出者所在第三太常卿第四

司徒第五御史大夫第六兵部尚書以上各用本品鹵簿次燾十

二每燾一人持一人托次爆稍騎八押衙四人騎引左右金吾

上將軍四人將軍四人將軍四人大將軍各一人折衝都尉一人

精一人執二人人夾燾稍皆出中道次清游隊左右白澤旗

二一人執二人引二人夾左右弩八弓箭三十二稍四

十次左右金吾十六騎左右道主帥各一人分領弩八弓箭十二稍

十二次夾道吹飛騎左右金吾果毅都尉各二人分領虞候吹飛四十

八人鐵甲吹飛二十四人次前隊左右左右領軍

衛將軍各一人爆稍四人主帥四人受八十義八十相間

左右武衛屯衛主帥各四人受五十各十人義各五十人

左右驍衛主帥四人受四十義四十次朱雀旗中道一人持二人

人引二人弩四弓箭十六次龍旗十二中道並一人執二人

人夾二皆騎左右金吾風伯雨師旗各一雷公電母旗各

果毅都尉各一人領



一木火土金星旗各一左右攝提旗各一北斗旗一

次指南記里鼓白鷺鸞旗崇德皮軒車左右金吾衛果毅都尉各一人

來往次引駕十二里中道並騎弩八弓箭八稍八次太常前

部鼓吹令二人府史四人擗鼓十二在左主帥四人金鉦十

二在右主帥四人大鼓百二十主帥二十人長鳴百二十主帥

十四笳二十四大橫吹百二十主帥十人節鼓二笛二十

四簫二十四箏篋二十四笳二十四桃皮膚篋二十四

擗鼓十二在左主帥二人金鉦十二在右主帥二人小鼓百

二十四主帥十人中鳴百二十主帥六人羽葆鼓十二主帥四人

歌二十四拱宸管二十四簫二十四笳二十四次司天

監一人騎引相風刻漏中道令史一人相風鳥輿一

匠人交龍鉦鼓各一司晨典事各一人鐘樓鼓樓各一行漏

輿一漏刻生四人清道二人十二神輿一司天官次持鉞前

隊中道左右武衛果毅都尉各一人分領校尉二人絳引

幡一金節十二罕一在左罕一在右朱雀幢一又青龍

白虎幢各一分左右又各導蓋一又稱長一人鉞戟二

百八十人分左右左右武衛將軍各一人校尉四人分

左右次殿中侍御史二人黃麾一騎二次前部馬隊左右

隊第一隊角宿亢宿斗宿牛宿旗各一執次同龍捍旗

角亢在左斗牛



在右餘 左右金吾衛折衝都尉各一人分領弩十弓箭

二十稍四十 並分左右 第二隊氏宿房宿女宿虛宿旗

各一左右領軍衛果毅都尉各三人分領 兼第二 第三

隊心宿危宿旗各一第四隊尾宿室宿旗各一第五隊

箕宿壁宿旗各一左右領軍衛折衝都尉各一人分領

第六隊奎宿井宿旗各一左右屯衛折衝都尉各一人

分領第七隊婁宿鬼宿旗各一左右武衛果毅都尉各

三人分領 兼第八 第八隊胃宿柳宿旗各一第九隊昴

宿星宿旗各一第十隊畢宿張宿旗各一左右驍衛折

衝都尉各三人分領 兼第十一 第十一隊甯宿翼宿旗

各一第十二隊參宿軫宿旗各一次步甲前隊 左右 擲

稍四左右領軍衛將軍各一人檢校第一隊鵠鷄旗二

引執同 左右領軍衛折衝都尉各一人分領赤蓋甲弓

箭六十第二隊貔旗二左右領軍衛果毅都尉各一人

分領赤蓋甲刀盾六十第三隊玉馬旗二左右領軍衛

折衝都尉各一人分領青蓋甲弓箭六十第四隊三角

獸旗二左右領軍衛果毅都尉各一人分領青蓋甲刀

盾六十第五隊黃鹿旗二左右屯衛折衝都尉各一人

分領黑蓋甲弓箭六十第六隊飛麟旗二左右屯衛果

毅都尉各一人分領黑蓋甲刀盾六十第七隊馱馱旗



二左右武衛折衝都尉各一人分領白鍪甲弓箭六十  
 第八隊鸞旗二左右武衛果毅都尉各一人分領白鍪  
 甲刀盾六十第九隊麟旗二左右驍衛折衝都尉各一  
 人分領黃鍪甲弓箭六十第十隊馴象旗二左右驍衛  
 果毅都尉各一人分領黃鍪甲刀盾六十第十一隊玉  
 兔旗二左右衛折衝都尉各一人分領黃鍪甲弓箭六  
 十第十二隊辟邪旗二左右衛果毅都尉各一人分領  
 黃鍪甲刀盾六十次前部黃麾仗左右絳引幡二十第  
 一部左右領軍衛大將軍各一人檢校兼檢校折衝都  
 尉各一人分領主帥龍頭竿赤毳二十揭鼓二儀鎧五  
 色幢二十龍頭竿小孔雀毳二十小戟二十揭鼓二龍  
 頭竿五色鵝毛毳二十弓箭二十龍頭雞毛毳二十朱  
 滕盾二十龍頭竿繡毳二十弓箭二十稍二十揭鼓二  
 綠滕盾二十第二部左右領軍衛折衝都尉各一人分  
 領主帥及毳鎧等並同第一部餘準此第三部左右屯衛大將軍各一人  
 檢校果毅都尉各一人分領第四部左右武衛大將軍  
 各一人檢校折衝都尉各一人分領第五部左右驍衛  
 大將軍各一人檢校兼檢校第六部折衝都尉各一人分領第六部左右  
 衛果毅都尉各一人分領次六軍儀仗中道右殿左右  
 神武軍統軍各一人本軍旗二一人執一人引二人夾都頭各一人騎押吏

萬曆二十七年刊

宋史卷一百四十五

儀衛志

三



其力士旗各五白幹槍五十柯舒十鎧仗八相排闌旗

二十掩尾天馬旗二左右羽林軍左右龍武軍並同神

武軍惟羽林用赤豹黃熊旗各五次引駕旗十六中道

同六龍武用龍君虎君旗各五次龍墀旗排仗通直官

軍旗十二辰旗各一天王旗四二人騎領次龍墀旗

十三中道冬一人執二人引二人天下太平旗一青龍赤

龍黃龍白龍黑龍旗各一金鸞金鳳旗各一獅子旗二

日旗月旗各一君王萬歲旗一次御馬二十四匹中道

天武官二尚乘奉御二人從次日月合璧旗一次苞文

旗二次五星連珠旗一次祥雲旗二以上並二人執二人

次班劍儀刀隊左右左右衛將軍各一人親衛郎將各

二人班劍二百二十為第一第二行勳衛郎將各二人

班劍二百二十為第三第四行翊衛郎將各三人儀刀

三百七十八為第五第六第七行左右驍衛翊衛郎將

各一人儀刀一百三十四為第八行左右武衛羽衛郎

將各一人儀刀一百三十八為第九行左右屯衛羽衛

郎將各一人儀刀一百四十二為第十行左右領軍衛

翊衛郎將各一人儀刀一百四十六為第十一行左右

金吾衛翊衛郎將各一人儀刀一百五十為第十二行

萬曆二十七年刊

宋史卷五十五

儀禮志

五



次五仗左右左右衛供奉中郎將各二人親勳翊衛各

二十四人左右衛郎將各一人散手翊衛各三十人左

右驍衛郎將各一人翊衛各二十八人次左右驍衛翊

衛三隊第一隊花鳳旗二大將軍各一人弩十弓箭二

十稍四十第二隊飛黃旗二將軍各一人弩弓箭稍同

此第三隊吉利旗二郎將各一人次金吾細仗殿中繖

扇千牛中青龍白虎旗各一一人執三人引五嶽神旗

各一五方神旗各一五方龍旗二十五五方鳳旗二十

五四瀆神旗各一各一人執二人引二人夾四援寶三

十二人香案一符寶郎一人寶案一寶輿一輿七十碧

欄二十四人騎內十四人方繖二雉扇四四色官六人

押仗二人金甲天武官二人進馬四人千牛將軍一人

千牛八人中郎將二人長史二人引駕官四人天武官

三百人次毬仗供奉官一百人次左右衛夾轂隊左右

第一第四隊朱鍪甲刀盾各六十折衝都尉各一人檢

校第二第五隊白鍪甲刀盾各六十果毅都尉各一人

檢校第三第六隊黑鍪甲刀盾各六十果毅都尉各一

人檢校次捧日奉宸隊左右捧日三十五隊隊四十人

騎奉宸二十五隊隊四十人並五重次導駕官中通事

舍人八人分左右待御史二人分左右御史中丞二人



分左右正言二人分左右司諫二人分左右起居郎二

人在左起居舍人二人在右諫議大夫四人分左右給

事中四人在左中書舍人六人在右散騎四人分左右

門下侍郎二人在左中書侍郎二人在右侍中二人在

左中書令二人在右次鳴鞭二道中次宮苑馬二道中次殿

中省仗大繖二方雉尾扇四鬲輿一排列官一人騎領小雉尾

扇四方雉尾扇十二華蓋二香燈一次誕馬二玉輅皇帝

升輅則太僕卿御千牛大將軍二人夾輅次諸司隨駕

供奉次大輦掌輦四人導尚輦殿中少監二人騎本省

二人次御馬二十四並以天武官二人執轡次持鉞後

除道左右武衛旅帥各一人大繖二大雉尾扇

四小雉尾扇十二朱團扇十二華蓋二又睥睨十二御

刀六玄武幢一又絳麾二細稍十二次大角百二十左右

金吾果毅都尉次後部鼓吹中鼓吹丞二人騎其事四人

羽葆鼓十二主帥四人騎從歌二十四拱宸管二十四簫二十

四笳二十四主帥四人騎領鏡鼓十二主帥四人騎領歌二十四簫二

十四笳二十四小橫吹百二十主帥八人騎領笛二十四簫二

十四鬻篋二十四笳二十四桃皮膚鬻篋二十四次黃麾

幡二騎二人殿中侍御史二人騎令史四人騎從次芳亭輦一鳳

輦一小輿一尚輦直長二人騎檢校書令史四人騎從次五牛

萬曆二十七年刊



旗輿各一左右屯衛隊正各一人騎檢校並執銀裝長刀次乘

黃令丞二人府史四人騎從次金象革木輅次五副輅次耕根

車次進賢明遠羊車次屬車十二次中書門下祕書殿

中省局官各一騎次黃鉞豹尾車次後部黃麾仗左右道與

殿中黃麾相並第一部左右驍衛將軍各一人檢校折衝都尉

各一人分領主帥鑿鉉等並同第二部左右武衛將軍

各一人檢校折衝都尉各一人分領第三部左右屯衛

將軍各一人檢校折衝都尉各一人分領第四部左右

領軍衛折衝都尉各一人分領第五部左右驍衛折衝

都尉各一人分領第六部左右驍衛折衝都尉各一人

分領絳引幡二十護後主帥二十人次步甲後隊左右

第一隊貔旗二執引並左右衛果毅都尉各一人分領

鑿甲弓盾同第二隊鴟雞旗二左右衛折衝都尉各一

人分領鑿甲弓箭同第三隊仙鹿旗二左右驍衛果毅

都尉各一人分領鑿甲刀盾同第四隊金鸚鵡旗二左

右驍衛折衝都尉各一人分領鑿甲弓箭同第五隊瑞

麥旗二左右武衛果毅都尉各一人分領鑿甲刀盾同

第六隊孔雀旗二左右武衛折衝都尉各一人分領鑿

刀箭同前第七隊野馬旗二左右屯衛果毅都尉各一

人分領鑿甲刀盾同第八隊犛牛旗二左右屯衛折衝



都尉各一人分領蓋甲弓箭同第九隊甘露旗二左右

領軍衛果毅都尉各一人分領蓋甲刀盾同第十隊網

子旗二左右領軍衛折衝都尉各一人分領蓋甲弓箭同前隊第

三第十一隊鷓鴣旗二左右領軍衛果毅都尉各一人

分領蓋甲刀盾同第十二隊貔旗二左右領軍衛折衝

都尉各一人分領蓋甲弓箭同次後部馬隊左方第一

隊角麟旗二左右衛折衝都尉各三人分領兼第一第二第十隊每隊

弩弓箭稍第二隊赤熊旗二第三隊兕旗二左右驍衛

果毅都尉各二人分領兼第四隊太常旗二第五隊

馴象旗二左右武衛折衝都尉各三人分領兼第六第七隊第

六隊鷓鴣旗二第七隊驍驍旗二第八隊騶牙旗二左

右屯衛果毅都尉各二人分領第九隊蒼烏旗二第十

隊白狼旗二第十一隊龍馬旗二左右領軍折衝都尉

各二人分領第十二隊金牛旗二次後隊仗左左左

右領軍衛主帥四人受八十義八十左右武衛主帥四

人受五十義五十左右屯衛驍衛主帥各四人受四十

義四十次掩後隊道中左右屯衛折衝都尉各一人大戟

五十刀盾五十弓箭五十稍五十次真武隊道中金吾折

衝都尉一人仙童騰蛇真武神龜旗各一引十人執二人

稍二十五弓箭二十弩五



車駕至青城則周衛行宮及壇內外其青城坐甲布列  
三百三十六鋪殿前指揮使二十四鋪四百七十七人  
內殿直一十鋪一百四十一人散員一十鋪一百四十  
二人散指揮一十鋪一百四十一人散都頭一十鋪一  
百四十三人散祇候一十鋪一百四十人金槍一十鋪  
一百五十人銀槍一十鋪一百五十人東第一班三鋪  
五十二人東第二班三鋪五十三人東第三班六鋪九  
十一人東第四班五鋪八十四人東第五班二鋪二十  
二人下茶酒班一鋪三十一人散直一十鋪一百四十  
九人鈞容直一十鋪二百人御龍直二十二鋪三百八  
十五人御龍骨朵子直一十二鋪二百一十二人御龍  
弓箭直一十八鋪二百九十六人御龍弩直二十二鋪  
三百五十六人把天門天武一鋪八人駕頭扇篋天武  
一鋪三十二人禁衛天武六鋪三百一十人約攔天武  
三十鋪三百一十人方圍子親從三十四鋪三百六十  
人禁衛崇政殿親從四十鋪并提舉人員共四百六十  
三人行宮司親從一十二鋪一百八十人快行親從四  
鋪八十六人行宮殿門崇政殿親從四十六人行宮殿  
門親從并提舉人員二百四十人把街約攔親事官貼  
諸處齣門一十隊及提舉人員一百三人殿前指揮使



已下看守馬火甲隊一千一百七十一人右禁衛諸班  
共六千七百二十有四人園壇東門外中道夾立諸班  
直主首引駕人員九人御龍四直門旗六十人御龍仗  
劔六人天武把門長行八人大次前外圍親從四隊三  
十八人執燭親從八十六人行宮殿門一十二人御龍  
直四十大次後把街約攔執事官五十一人大次兩  
壁快行六十九人於禁衛外排立壇周圍守踏道裏圍  
親從十將節級二十二人壇從裏第二重方圍親從三  
百二十四人大次及外壇外諸門行宮司共一百六十  
人宮架及壇東幄幕宰臣百官幕次共六十人右自大  
次前外圍至百官幕次共八百六十二人凡詣小次行  
禮不須隨從大次前裏圍并攔前一百七十一人執燭  
一百二十九人外圍一百八十八人行宮門及快行二十  
四人右自裏圍至行宮  
快行共五百四人凡詣小次行禮隨從祇應圓壇  
從外壇下分作九重從中第一重殿前指揮使等七百  
四十四人第二重御龍直等六百九十五人第三重散  
員等六百四十二人第四重散都頭等七百一十人第  
五重天武骨朶大劔約攔五百八十一人第六重御營  
四面巡檢下步軍八百六十七人第七重御營四面并  
青城圓壇巡檢下步軍八百六十七人第八重御營四



面巡檢下馬軍四百三十三人第九重御營四面巡檢  
及青城圓壇巡檢下馬軍四百三十四人壇四門殿前  
指揮使行門二十五人內人員一十五人壇東門來立  
擊鞭長行一十人右自青城赴壇諸班親從文武及御  
營圓壇巡檢下總七千四百六十七  
人駕至太廟環衛如郊壇坐甲布列二百六十三鋪殿  
前指揮使二十四鋪四百七十七人內殿直散員散指  
揮散都頭散祇候散直各一十鋪一百二十人共六十  
鋪七百二十人金槍一十鋪一百五十人銀槍一十鋪  
一百五十人東第一第二班各二鋪三十人共四鋪六  
十人東第三第四班各四鋪六十人共八鋪一百二十  
人東第五班二鋪二十二人下茶酒班一鋪三十一人  
御龍直八鋪三百八十五人御龍骨朶子直四鋪二百  
一十二人御龍弓箭直六鋪二百九十六人御龍弩直  
八鋪三百五十六人把行門天武一鋪八人駕頭扇篋  
天武一鋪三十二人禁衛天武六鋪三百一十人禁衛  
崇政殿親從四十鋪并提舉人員共四百六十三人行  
宮司親從一十二鋪一百八十人快行親從四鋪八十  
六人方圍親從二十四鋪三百六十人約攔天武三十  
鋪三百一十人行宮殿門崇政殿親從及提舉人員二  
百八十六人把街約攔親事官貼諸處觀門一十二隊



并提舉人員一百三人御營四面巡檢六員下步軍九百一十八人親從四十人青城內至園壇巡檢下親從四十人右禁衛諸班直等御營四面巡檢軍兵及青城至園壇巡檢下親從總六千一百四十五人

左山商氏家藏宋人

青城園壇太廟三圖其布置行列極爲詳備因附鹵簿之後庶覽之者可以考一代之制云

凡鹵簿內牙門旗中道四分二門左右道各十分五門中道一門在金吾細仗前一門在掩後隊後左右廂第一門在步甲前隊第六後第二門在前部黃麾仗前第三門在後部黃麾仗前第四門在黃麾仗後第五門在步甲後隊第六後每旗二人執四人夾並騎分左右每門監門校尉六人領又大駕郊祀籍田薦獻王清昭應景靈宮用之迎奉聖像亦用大駕惟不設象及六引導駕官法駕減太常卿司徒兵部尚書白鷺崇德車大輦五副輅進賢明遠車又減屬車四餘並三分減一泰山下汾陰行禮明堂大慶殿恭謝用之凡一萬一千八十八人鸞駕又減縣令州牧御史大夫指南記里鸞旗皮軒車象輅革輅木輅耕根車羊車黃鉞車豹尾車屬車小輦小輿餘並減半朝陵迎泰山天書東封西祀朝謁太清宮奏告王清昭靈宮奉迎刻王天書躬謝太廟皆用之鸞駕舊用二十人大中祥符五年真宗告太廟增



至七千人兵部黃麾仗用太常鼓吹太僕寺金玉輅殿  
中省大輦其制無定然皆減於小駕御樓車駕親征或  
省方還京迎禁中天書五嶽上冊建安軍迎奉聖像太  
廟上冊皆用之

宋史卷一百四十五終

宋史卷一百四十六

儀衛志第九十九

開府儀同三司上柱國錄軍國重事前中書右丞相監修國史領經筵事都

皇明朝列大夫國子監祭酒臣方從哲

承德郎右春坊右中允管國子監學事 臣黃汝良等奉

勅重校刊

儀衛四

政和大駕鹵簿并  
宣和增減小駕附

政和大駕鹵簿象六分左右次六引開封令開封牧大

司樂少傅御史大夫兵部尚書各用本部鹵簿次金吾燾稍左

右阜燾各六執托各一人押衙四人並爆稍八執各一人本衛

上將軍將軍各四人本衛大將軍二人並爆稍四夾大



將軍

執各一人夾二人並騎

法駕爆稍減二本衛上將軍將軍各

減二人次朱雀旗隊

並騎

金吾衛折衝都尉一人引隊爆

稍二夾都尉

執旗一人引夾各二人凡仗內引夾執人數準此

弩四弓矢十六

稍二十左右金吾衛果毅都尉二人押隊法駕弩減二

弓矢減六稍減八宣和引隊改天武都指揮使押隊改

天武指揮使次龍旗隊大將軍一員檢校騎引旗十二

人

並騎

風伯雨師雷公電母旗各一五星旗五左右攝提

旗二北斗旗一護旗十二人副竿二

執人並騎

法駕引旗護

旗人各減四宣和檢校改左右衛大將軍雷公電母旗

云公母二字次指南記里鼓車各一駕馬各四駕士各

三十人白鷺鸞旗崇德皮軒車各一駕士各十八人法

駕無白鷺崇德車宣和有青旌青雀鳴鳶飛鴻虎皮豹

貅六車在記里鼓之下崇德之前減白鷺鸞旗支軒三

車駕士之數如前次金吾引駕騎本衛果毅都尉二人

儀刀弩弓矢稍各減二宣和改都尉為神勇都指揮使

次大晟府前部鼓吹令二人府史四人管押指揮使一

人擗鼓金鈺各十二

帥兵官八人領

大鼓

帥兵官十人領

一百二十

長鳴一百二十

帥兵官六人領

鏡鼓十二

帥兵官四人領

歌工拱宸管

簫笳各二十四大橫吹一百二十

帥兵官十人領

節鼓二笛簫

膚篋笳桃皮膚篋各二十四擗鼓金鈺各十二

帥兵官四人領



小鼓中鳴各一百二十帥兵官八人領羽葆鼓十二帥兵官四人領歌

工拱宸管簫笳各二十四法駕前後柁鼓金鈺各減四

大鼓減四十長鳴減四十鏡鼓減四拱宸管後簫笳各

減八大橫吹減四十節鼓後笛簫簨篥笳桃皮簨篥各

減八小鼓中鳴各減四十羽葆鼓減四最後簫笳各減

八帥兵共減十八人次太史相風行漏等與太史令及

令史各一人並騎相風鳥輿一輿士四人交龍鈺鼓各一輿士各六

人司辰典士各一人並騎漏刻生四人鼓樓鐘樓行漏輿

各一輿士各一百人太史正一人清道二人十二神輿一輿士十四

人法駕行漏輿一輿士各十四人神輿一輿士多二人宣和鼓鐘

樓並改為輿太史正前有捧日副指揮使二人捧日節

級十人神輿輿士增十次持級前隊左右武衛果毅都

尉二人引隊左右武衛校尉二人絳引幡一新二人左右

有金節十二執人並騎罕輦各一朱雀幢義導蓋青龍白虎

幢各一義三執人並騎稱長一人鈸戟二百八十八左右武

衛將軍二人檢校左右武衛校尉四人押隊法駕金節

減四級戟減七十二宣和引隊改驍騎都指揮使武衛

校尉改驍騎軍使增朱雀旗後之義一去龍虎旗後之

義三檢校改用左右驍騎將軍次黃麾幡一執一人騎新二人

法駕前有殿中侍御史二員次六軍儀仗左右神武軍



左右羽林軍左右龍武軍各有統軍二員都頭二人

又有節級二人押仗本軍旗各一排闌旗各二十合有吏兵力

士旗各五掩尾天馬旗二羽林有赤豹黃熊旗龍武有龍君虎君旗各一白柯

槍五十哥舒棒十鎧仗八法駕神武軍減排闌旗十羽

林龍武軍各減四吏兵力士旗減一宣和統軍改軍將

神武軍旗改熊虎排闌旗改平列哥舒棒改戈戟鎧杖

改羽戟羽林隊無節斂黃熊旗改黃龍武旗改熊虎

次引駕旗天王旗二排仗通直官二人押旗十二辰旗

各一法駕同次龍墀旗天下太平旗一排仗大將二人

夾旗五方龍旗各一人鸞金鳳旗各一獅子旗二君王

萬歲旗二日月旗各一法駕城龍鳳獅子旗次御馬二

十四控馬每匹天武二人御馬直二人為十二重法駕

減八為八重宣和御馬直改為習馭次中道隊大將軍

一員檢校法駕同宣和大將軍改為左右驍衛大將軍

次日月合蓋旗一苜文旗二五星連珠旗一祥雲旗二

長壽旗二宣和苜文改慶雲祥雲改祥光次金吾細仗

青龍白虎旗各一五嶽神旗五方神旗五方龍旗五方

鳳旗各五已上執各一人新各三人法駕五方龍鳳旗各減二宣和

改校尉為使臣五嶽神旗去神字次八寶鎮國神寶皇

帝之寶皇帝行寶皇帝信寶在左受命寶天子之寶天



子行寶天子信寶在右為四重香案八各以二列於寶  
輿之前碧欄二十四人符寶郎行於碧欄之間法駕減  
碧欄八人宣和增引職掌二人香案職掌六人援衛傳  
喝親從一百人奉寶輦官每寶二十八人節級一人奉  
寶一十二人昇香案行馬執燭籠各四人持席褥油衣  
共三人香案寶輿各九燭籠二十六碧欄之數同前次  
方繳二大雉尾扇四夾執衛扇各一人以下準此法駕同次金吾四  
色官六人押仗二人法駕減押仗次金甲二人宣和改  
為銅甲次太僕寺進馬四人並次引駕千牛衛上將軍  
一員千牛八人中郎將二人並乘千牛二人並宣和引

駕改為千牛衛大將軍中郎將改為捧日都虞候次長

史二人並騎宣和無次金吾引駕官四人並次導駕官執

以上人從六人待制諫議防禦使以上五人次繳扇輿輦

大繳二中雉尾扇四夾腰輿一小雉尾扇四夾應奉人

員一人十將將虞候節級二人長行十六人排列官二

人中雉尾扇十二華蓋二執各香燈一執敬手小輿一應

人道遙平輦下人逍遙子一應奉人十將將虞候節級

長行二十四人法駕排列官後中雉尾扇減四宣

平輦一應奉人員七和去小雉尾扇四腰輿一添管押人員二人都將四小

輿一奉輿二十四逍遙子改為逍遙輦奉輦一平輦一

人都將九人



奉輦人同上後有小輿前又有大輅一駕馬六太僕卿

上輦奉御二人騎御駕圭一百二

十次駕前東第五班開道旗一皂纛旗十二引駕六十

二人鈞容直三百人引駕回五方色龍旗五門旗四十

御龍四直步執門旗六十天武駕頭下一十二人茶酒

班執從物一十一人御龍直仗劍六人天武把行門八

人纛旗一殿前班擊鞭一十人簇輦龍旗八日月麟鳳

旗四青白赤黑龍旗各一御龍直四十人踏路馬二夾

輅大將軍二員進輅職掌二員部押二人教馬官二員

法駕同宣和無鈞容直開道旗內增押班一人殿侍二

人皂纛旗十二殿侍七引駕人員二人長行六十人五

方色吉字旗殿侍二人管押十人門旗殿侍二人管押

四十人义八門旗六十御龍直一十二人骨朵直十二

人御龍弓箭直弩直各十八人御龍直仗劍六人執麋

旗殿侍二人管押龍旗人員二人都知副都知各一人

執骨朵殿侍十六人內大將軍改爲千牛衛大將軍朝服

從將軍二人朝服掌輦四人皇帝乘玉輅駕青馬六駕

士一百二十八人扶駕八人骨朵直一百三十四人行

門三十五人分左右陪乘將軍二員法駕同宣和駕士

增爲二百三十四人次奉宸隊御龍直左廂骨朵子直

右廂弓箭直弩直御龍四直並以逐班直所管人數列



爲五重天武骨朶大劔三百一十人次駕後東第五班  
大黃龍旗一鈞容直三十一人扇篋下天武二十人茶  
酒班簇輦三十一人招箭班三十三人法駕同宣和止  
用黃龍旗餘並無次副玉輅一駕青馬六駕士四十人  
法駕無宣和駕士一百人內人員二人次大輦一掌輦  
四人應奉人員十二人十將將虞候節級共十人長行  
三百五十五人尚輦奉御二人殿中少監供奉職官二  
員令史四人書令史四人法駕同宣和增奉輦爲九十  
人次太僕御馬二十四爲十二重法駕城八爲八重宣  
和無太僕次持鈿後隊左右武衛旅帥二人法駕同宣  
和改爲神勇都指揮使次重輪旗二六繖二六雉尾扇  
四小雉尾扇朱團扇各十二華蓋二义二睥睨十二御  
刀六真武幢一絳麾二义一細稍十二法駕小雉尾扇  
朱團扇睥睨稍各減四華蓋減一御刀減二宣和真武  
幢改爲玄武次左右金吾衛果毅都尉二人並總領大  
角一百二十法駕減四十宣和改都尉爲驍騎都指揮  
使次大晟府後部鼓吹丞二人典事四人管轄指揮使  
一人羽葆鼓十二帥兵官歌工拱宸簫管笳各二十四  
帥兵官鏡鼓十二帥兵官歌工簫笳各二十四小橫吹  
一百二十八帥兵官笛簫簨篋笳桃皮簨篋各二十四法



駕羽葆鼓減四簫笳笛箏篋桃皮箏篋各減八鏡鼓減

四小橫吹減四十帥兵官並宣和帥兵官改為夫武神

勇宣武虎翼四都頭次黃麾一執新人數同前部法駕亦同有殿中侍御史二

員在黃麾前芳亭輦一奉輦六鳳輦一奉輦五法駕去鳳輦

宣和芳亭奉輦六十二人次金象輦木四輅並有副輅

金輅踏路赤馬二正副各駕赤馬六駕士六十人餘輅

正副駕馬數同而色異象輅以赭白革輅以騮木輅以

黑駕士各四十人法駕前副輅宣和駕馬之色又異金

以騮象以赤革以赭白木以烏駕士五百五十人副一

百人管押人各二人併根輦一駕青馬六駕士四十

人法駕同宣和無進賢車一駕士二十四人明遠車一

駕士四人法駕無宣和各增駕馬四次屬車十二乘每

乘駕牛三駕士十人法駕減四乘宣和增衙官二人管

押節級一人次門下中書祕書殿中四省局官各二員

法駕同次黃鉞車豹尾車各一各駕赤馬二駕士十五

人法駕除進賢明遠車外並同宣和有黃鉞天武副都

頭及神勇副都頭各一次掩後隊左右威衛折衝都尉

二人領隊大戟刀盾弓矢稍各五十法駕各賦十六宣

和押隊改用宣武都指揮使二人次真武隊金吾衛折

衝都尉一人爆稍二僊童旗一真武旗一騰蛇神龜旗



各一稍二十五弓矢二十弩五法駕稍減六弓矢減五  
弩減一宣和改為玄武隊改真武為玄武又去僊童龜  
蛇旗改都尉為虎翼都指揮使政和大駕外仗清游隊  
次第六引外仗白澤旗二左右金吾衛折衝都尉二人  
弩八弓矢三十二稍四十法駕次第三引外弩減二弓  
矢減八稍減十宣和改都尉為捧日都指揮使左右金  
吾各十六騎帥兵官二人弩八弓矢稍各十二法駕金  
吾騎及弓矢稍各減四宣和改金吾為天武都頭次飲  
飛隊左右金吾衛果毅都尉二人分領並騎虞候飲飛四  
十八人並鐵甲飲飛二十四人法駕前減十八人  
後減八人宣和改金吾衛為拱聖都指揮使改都尉為  
都指揮使次前隊仗左右領軍衛將軍二人檢校並騎  
擲稍四仗分五隊第一一百六十八人第二八十八人第  
三一百人第四第五各八十人逐隊有帥兵官左右領  
軍衛左右威衛左右武衛左右驍衛左右衛各四人法  
駕仗第一隊減六十第二第三各減三十第四第五  
各減二十宣和改檢校為左右衛將軍領軍衛為天武  
都頭威衛為神勇都頭武衛為宣武都頭驍衛為虎翼  
都頭仗第一隊減六十增第二隊至第五隊為一百  
次後隊仗仗分五隊第一第二八十八人第三一百



人第四八十人第五一百六十人帥兵官左右衛左右  
驍衛左右武衛左右威衛左右領軍衛凡前後隊及仗  
前接中道北斗旗後盡鹵簿後隊法駕及叉第一第二  
隊各減二十四第三第四各減三十第五減六十宣和  
及叉各一百天武神勇宣武虎翼廣勇都頭次前部馬  
隊凡二十皆以都尉二人分領第一前左右金吾衛折  
衝領角亢斗牛宿旗四弩十弓矢二十稍四十第二氏  
房女虛宿旗四第三心危宿旗第四尾宿旗各二以上  
四隊各以左右領軍衛果毅領第五旗壁宿旗第六奎  
井宿旗各二各以左右威衛折衝領第七婁鬼宿旗第  
八胃柳宿旗第九昴星宿旗各二各以左右武衛果毅  
領第十畢張宿旗第十一觜翼宿旗第十二參軫宿旗  
各二各以左右驍衛折衝領弩弓矢稍人數同第一隊  
法駕分二十八宿旗爲十隊逐隊弩減四弓矢減六稍  
減二十宣和捧日拱聖神勇驍衛宣武四都指揮使分  
領上十隊以虎翼廣勇都指揮使分領下二隊次步甲  
前隊凡十二左右領軍衛將軍二人檢校並擐稍四逐  
隊皆有都尉二人分領第一第三各以左右領軍衛第  
五以左右威衛第七以左右武衛第九以左右驍衛第  
十一以左右衛並折衝第二第四各以左右領軍衛第



六以左右威衛第八以左右武衛第十以左右驍衛第十二以左右衛並果毅內有鶡貌玉馬三角獸黃鹿飛麟馱騃鸞麟馴象玉兔辟邪等旗各二以序居都尉之後逐隊有弓矢刀盾相間各六十人居旗之後法駕止十隊每隊弓矢各減二十宣和檢校改用左右衛將軍又去掣稍分領並改爲都指揮使第一第二並捧日第三第四並天武第五第六並拱聖第七第八並神勇第九驍騎第十宣武第十一虎翼第十二廣勇次前部黃麾仗絳引幡二十下分六部第一左右威衛第二左右領軍衛第三左右威衛第四左右武衛第五左右驍衛第六左右衛諸部各有殿中侍御史兩員本衛大將軍二人檢校本衛折衝都尉二人分領又各有帥兵官二十人龍頭竿六重重各二十揭鼓三重重各二儀鎧五色幡小戟稍各一重重各二十弓矢二重重各二十朱綠滕絡盾并刀二重重各二十法駕止五部絳引幡帥兵官龍頭竿幡戟弓矢盾刀稍並減六宣和六部驍衛武衛屯衛領軍衛監門衛千牛衛皆左右上將軍天武神勇宣武虎翼廣勇皆都指揮都頭逐部上將軍都頭各一人次青龍白虎旗各一左右衛果毅都尉二人分押旗及領後七十騎弩八弓矢二十二稍四十法駕減



後騎三十弩減二弓矢減八稍減二十宣和改都尉爲  
虎翼都指揮使次班劍儀刀隊並騎左右衛將軍二人  
分領郎將二十四人左右親衛勳衛各四人每衛班劍  
二百二十人諸翊衛左右衛六人領儀刀四百八人左  
右驍衛二人領儀刀一百三十六人左右武衛左右威  
衛左右領軍衛左右金吾衛各二人法駕親勳衛班劍  
減八十四人翊衛儀刀減一百三十二人增左右驍衛  
四人班劍儀刀九人二人宣和分領改左右武衛將軍  
及捧日天武指揮四人拱聖六人神勇驍騎驍勝宣武  
虎翼指揮使各二人次親勳散手驍衛翊衛隊

並左右

衛供奉中郎將四人分領親勳翊衛四十八人左右衛  
郎將二人分領散手翊衛六十人左右驍衛郎將二人  
分領驍衛翊衛五十六人法駕親勳減十六人散手驍  
衛各減二十人宣和改爲中衛翊衛親衛隊中衛郎四  
人分領衛兵四十八人翊衛郎二人分領衛兵六十人  
親衛郎二人分領衛兵五十六人次左右驍衛翊衛三  
隊並各有二人分領第一本衛大將軍第二本衛將軍  
第三本衛郎將花鳳飛黃吉利旗各二分爲三隊逐隊  
弩十弓矢二十稍四十法駕減四弓矢稍各減半宣和  
分領第一第二隊左右驍衛大將軍將軍第三廣勇指



揮使改花鳳旗爲雙蓮旗次夾轂隊凡六逐隊都尉二人檢校第一第四左右折衝第二第三第五第六並左右衛果毅逐隊刀盾各六十人內第一第四有寶符旗二法駕各減刀盾二十宣和檢校改爲捧日天武拱聖三指揮使次捧日隊逐隊引一人押二人長行殿侍二十八人旗頭三人槍手五人弓箭手二十人左右廂天武約攔各一百五十五人法駕同次後部黃麾仗分六部左右衛左右驍衛左右武衛左右威衛左右領軍衛左右武衛部內殿中侍御史大將軍都尉帥兵官絳引隋龍頭竿等並同前部法駕減第六部絳引幡減六宣和六部第一改爲左右驍衛大將軍自三至六改爲天武神勇宣武虎翼廣勇五指揮次步甲後隊凡十二皆有都尉二人分領第一以左右衛第三以左右驍衛第五以左右武衛第七以左右威衛第九第十一各以左右領軍衛以上並果毅第二以左右衛第四以左右驍衛第六以左右武衛第八以左右威衛第十第十二各以左右領軍衛以上並折衝內有貌鷓鴣僊鹿金鸚鵡瑞麥孔雀野馬犛牛甘露網子祥光翔鶴等旗各二以序居都尉之後逐隊有弓矢刀盾相間各六十人居旗之後法駕止十隊宣和自第七隊以下分領改用都指



揮使七八並神勇九驍騎十宣武十一虎翼十二廣勇  
旗亦改其半七天正堯瑞八日有戴承十翔鶴十一紅  
光十二文石次後部馬隊凡十二皆以都尉二人分領  
第一第二各以左右衛第五第六第七各以左右武衛  
第十至十一十二各以左右領軍衛並折衝第三第四  
各以左右驍衛第八第九各以左右威衛並果毅內有  
角觥赤熊兕天下太平馴犀鴝鵒驪騶牙蒼烏白狼  
龍虎金牛等旗各二以序居都尉之後每隊弩十弓矢  
二十稍四十法駕止十隊弩減四弓矢減六稍減十二  
宣和改都尉爲指揮使一二並以捧日三四並以天武  
五六並以拱聖七八並以神勇九以驍騎十以宣武十  
一以虎翼十二以廣勇內六以芝禾並秀旗七有萬年  
連理木旗以上鹵簿凡門有六中道之門二第一門居  
日月合璧等旗之後法駕居龍舞旗之後第二門居掩  
後隊之後法駕同各有金吾衙門旗四監門校尉六人  
左右道之門四第一居步甲前隊第六隊之後第二居  
第十二隊之後第三居夾轂隊之後第四居步甲後隊  
第六隊之後法駕同各有監門校尉四人宣和改校尉  
爲使臣



又減指南記里白鷺鸞旗崇德皮軒畊根進賢明遠黃  
鉞豹尾屬車等十一餘並減大駕之半

宋史卷一百四十六終

宋史卷一百四十七

儀衛志第一百

開府儀同三司上柱國錄軍國重事昭書右丞相兼修國史領經筵事都總裁脫脫等修

皇明朝列大夫國子監祭酒 臣方從哲

承德郎右春坊右中允管國子監司業事 臣黃汝良等奉

勅重校刊

儀衛五

紹興鹵簿  
皇太后皇后鹵簿  
皇太子鹵簿妃附  
王公以下鹵簿

紹興鹵簿宋初大駕用一萬一千二百二十二  
人宣和增用二萬六十一人建炎初裁定一千三百三十五人  
紹興初用宋初之數十六年以後遂用一萬五千五十

萬曆二十七年刊

宋史卷一百四十七

儀衛志



人明堂三分省一用一萬一十五人孝宗用六千八百

八十九人明堂用三千三百十九人以後並用孝宗之

數紹興用象六副象一乾道用象一淳熙用象六而不設副紹熙如乾道慶元後不設

六引第一引清道二人孝宗省之懋弩一人騎方織一雜花

扇二曲蓋一外仗青衣二人車輻捧二告止傳教信幡

各二戟十第二引清道二人孝宗省之懋弩一人騎鼓一鉦

一大鼓十節一稍二皆騎方織一雜花扇四孝宗省曲為一

蓋一幢一麾一皆騎大角四鏡一簫二笳二橫吹二笛

一簫一鬲栗一笳一外仗青衣四人孝宗省為二車輻棒四

孝宗省告止傳教信幡各二儀刀十戟二十弓矢二十

為十六刀盾二十稍二十孝宗省並省第三第四第五第六

引並同第二引內花扇大角各二青衣二人孝宗朝第

五第六引內大角省為二金吾纛稍隊纛十二孝宗省第

餘並同第二引已省之數押燾二人孝宗省為一押衙四人孝宗省為二上將軍四人將軍

四人孝宗省為一大將軍二人孝宗省為一爆稍十二並騎孝宗省為八

朱雀隊朱雀旗一爆稍二弩四隊前後引押各天武都

指揮使一人騎龍旗隊引旗一風師雨師雷旗電旗

各一五星旗五攝提旗二北斗旗一護旗一左右衛大

將軍一人金吾引駕騎神勇都指揮使次弩弓矢稍

各四並騎大常前部鼓吹鼓吹令二府史四人管轄



指揮使一人帥兵官三十六人孝宗省作十四人 柶鼓十二金

鈺十二孝宗並省為十 大鼓六十孝宗省作二十四 小鼓六十孝宗省作

三節鼓一鏡鼓六羽葆鼓六歌工二十四拱宸管二十

四孝宗並省為十八 簫笳各三十六孝宗朝八笳二十四 長鳴六十

中鳴六十孝宗省為十八 大橫吹六十孝宗省為二十四 笛十二孝宗

增為十八 鬻粟十二桃皮鬻粟十二 持鈸前隊驍騎都指

揮使一人將軍一人軍使四人並騎稱長一人靈芝旗

二瑞瓜旗二雙蓮花旗二太平瑞木旗二朱雀旗一

露旗二嘉禾旗二芝草旗二絳引幡一孝宗省之 黃麾幡一

青龍白虎幢各一金節十二旱畢各一叉一級戟五十

四十八 六軍儀仗第一隊軍將二卒長二騎熊虎旗

二赤豹旗二更兵旗力士旗二戈六矛四戟四鉞四白

柯槍五十平列旗二十在仗外分夾旗槍第二隊軍將

二卒長二騎龍君旗虎君旗各三黃熊旗四赤豹旗二

吏兵旗力士旗各一戈六矛四戟四鉞四白柯槍四十

平列旗二十分仗外第三隊軍將二卒長二騎通直官

二吏兵旗力士旗各一熊虎旗二龍君旗虎君旗各一

天王旗四十二辰旗各一戈六矛戟鉞各四白柯槍三

十平列旗二十分夾仗外孝宗朝第一隊軍將卒長各

士旗各二矛四戈四戟二鉞二白柯槍二十平列旗十

四餘同第二隊軍將卒長各一龍君虎君黃熊赤豹旗



同戟六鉞六戈四矛四白柯槍二十第三隊軍將卒長各一吏兵力士熊虎龍君虎君天王旗並同十二辰旗十二通直官二白柯槍十年列旗十二

龍墀旗隊天下太平旗一排仗大將二人夾之五方龍旗各一為二重赤在前黃在中黑在

後青左白右次金鸞旗一左金鳳旗一石獅子旗二君

王萬歲旗一日旗一左月旗一右御馬十匹分左右

為五重中道隊左右衛大將軍一人檢校騎日月合

璧旗一慶雲旗二五星連珠旗一祥光旗長壽幢各一

金吾牙門第一門牙門旗四次監門使臣六分左右騎

孝宗省旗為二監明為三金吾細仗青龍旗一左白虎旗一右五嶽

之五方龍旗二十五相間為五隊每隊赤前黃中黑後

青左白右五方鳳旗二十五相間為五隊陳列亦如之

五嶽旗在左五方旗在右五龍旗在左五鳳旗在右四

瀆旗江淮在左河濟在右押二人分左右騎孝宗五龍

各一隊共省四十旗餘同八寶輿鎮國神寶左受命之寶右皇帝之

寶左天子之寶右皇帝信寶左天子信寶右皇帝行寶

左天子行寶右為四列每寶一輿每輿一香案輿案前

燭罩三十二引寶職掌八人侍寶官一人內外符寶郎

各二人扈衛一百人碧欄二十人夾扈衛之外孝宗省碧欄為

十二餘同殿中繖扇輿輦方扇二孝宗省一朱團扇四孝宗省二金吾



四色官六人孝宗省押仗二人騎金甲二人執鉞進馬

官四人騎千牛衛大將軍一人孝宗省千牛衛將軍八人

孝宗省金吾引駕官二人導駕官四人並騎導大繖二

孝宗省鳳扇四孝宗省夾繖而行前腰輿一鳳扇十六夾輿

孝宗省華蓋二排列官一人香凳一火燎一小輿一

逍遙子 平輦駕前諸班直 駕頭 鳴鞭 誕馬

燭罩三百三十人孝宗省前驅都下親從官一百

五十人孝宗省東西班六人孝宗省殿前指揮

使四十人東第三班長入祗候五十二人班直主首九

孝宗省茶酒新舊班一百六人孝宗省開道旗一

壽一十二鈞容直二百七十人駕回則作樂孝宗乾道元年省之乾道六年以

後再 吉利旗五五方龍旗五龍旗二十孝宗省門旗六十

孝宗省殿前指揮使引駕骨朶子直四十人分左右夾

駕頭 駕頭下天武官二十二孝宗省都下親從

一十六孝宗省茶酒班執從物殿侍二十二孝宗省又都

下親從二十二孝宗省劍六孝宗省麋旗一人

員一孝宗省殿前指揮使行門二十二孝宗省鳴鞭十二孝宗省

增為一次御龍直百二十孝宗省快行五十人日

月麟鳳旗各一青龍白龍赤龍黑龍旗四人員二引駕

千牛上將軍一人 王輅奉宸隊分左右充禁衛圍子



八重崇政殿親從圍子二百人為第一重從裏數出御龍直

二百五十人為第二重崇政殿親從外圍子二百五十

人為第三重御龍直骨朶子直二百五十人為第四重

御龍弓箭直二百五十人為第五重御龍弩直二百五

十人為第六重禁衛天武二百五十人為第七重都下

親從圍子三百人為第八重孝宗以並同天武約攔二百人

孝宗省作百八十八人在禁衛圍子外編排禁衛行子二十一人

快行五十九人孝宗省為四十二管押相視御龍四直八人孝宗省為八人天武六人孝宗省作

駕後部 扇篋大黃龍旗二駕後樂東西班三十六人

鈞容直三十一人並騎孝宗此下增招三十四人扇篋扇篋下天

武二十二人孝宗省作一十七人都下親從十六人孝宗省作八人茶酒

班執從物五十人騎孝宗省為三十人大輦輦下應奉并人員

合六百一十四人分五番孝宗乾道元年省之六年以後復設御馬十

匹為五重 持鈚後隊神勇都指揮使二人騎重輪旗

二人大繖二孝宗省為一朱團扇八孝宗省為四鳳扇二小

雉扇二十二孝宗省鳳扇而減雉扇為六華蓋二孝宗省為一俾倪十二

孝宗省為六御刀六玄武幢一絳麾二叉細稍十二孝宗省為六太常後

萬曆二十七年刊

三

儀衛志

下



部鼓吹鼓吹丞二人典吏四人孝宗省為三人管轄指揮使一

人羽葆鼓六歌工二十四拱宸管十二簫三十六笳二

十四鏡鼓六小橫吹六十笛十二簫栗十二帥兵官十

人孝宗歌工十八拱宸管十二簫十八笳二十四鏡鼓

六節十八節鼓一小橫吹三十威角栗十八桃皮鬲栗

十二羽葆鼓吹黃麾幡一道金輅象輅革輅木輅各一

每輅誕馬各六在輅前駕士各百五十四人乾道元年省之六年

以後復用掩後隊中道宣武都指揮使二人大戟刀盾弓矢稍

各十五金吾衙門第二門中道牙門旗四分左右孝宗省之

監門使臣六分左右騎孝宗省為三玄武隊並監中道虎翼都指

揮使一人爆稍二玄武旗一稍弓矢各十孝宗並省為五弩

五外仗外仗夾中道儀仗清游隊並日澤旗二捧日指揮

使二弩四弓矢十稍十六左右金吾十六騎天武都

頭二人弩八弓矢十二稍十二孝宗弩弓矢稍並省為六吹飛隊

並拱聖指揮使二虞候吹飛二十鐵甲吹飛十二前

隊及仗都頭六人騎及叉六十後隊及仗都頭四人

騎及叉四十前部馬隊第一隊捧日都指揮使二人

角斗亢牛旗各一弩四弓矢十稍八第二隊捧日都指

揮使二人氏女房虛旗各一弩弓矢稍如第一隊第三

隊天武都指揮使二人心危旗各一弩弓矢如第二隊

第四隊天武都指揮使二人尾室旗各一弓矢稍如第



三隊第五隊拱聖指揮使二人箕壁旗各一弩弓矢稍  
如第四隊第六隊拱聖都指揮使二人奎井旗各一弩  
弓矢稍如第五隊第七隊神勇都指揮使二人婁鬼旗  
各一弩弓矢稍如第六隊第八隊神勇都指揮使二人  
胃柳旗各一弩弓矢稍如第七隊第九隊驍騎都指揮  
使二人昴星旗各一弩弓矢稍如第八隊第十隊宣武  
都指揮使二人畢張旗各一弩弓矢稍如第九隊第十  
一隊虎翼都指揮使二人觜翼旗各一弩弓矢稍如第  
十隊第十二隊廣勇都指揮使二人參軫旗各一弩弓  
矢稍如第十一隊

孝宗省為十隊二十八宿旗  
每隊四員矢稍每隊六餘同

步甲

前隊第一隊捧日指揮使都頭各二人騎下鷓鴣旗二  
青蓋甲刀盾二十孝宗刀盾省為  
十二下並同第二隊捧日指揮使  
都頭豹旗朱蓋甲刀盾第三隊天武指揮使都頭萬年  
連理木旗黃蓋甲刀盾第四隊天武指揮使都頭芝禾  
並秀旗白蓋甲刀盾第五隊拱聖指揮使都頭祥鶴旗  
黑蓋甲刀盾第六隊拱聖指揮使都頭犀旗黃蓋甲刀  
盾孝宗改黃蓋甲為  
青蓋甲餘並同金吾左右道牙門第一門牙門旗  
四分左右監門使臣八人並騎孝宗旗省為二  
使臣省為四人步甲  
前隊第七隊神武指揮使都頭鷓鴣旗青蓋甲刀盾第  
八隊神武指揮使都頭麟旗朱蓋甲刀盾第九隊驍騎



指揮使都頭白狼旗黃蓋甲刀盾第十隊驍騎指揮使

都頭蒼烏旗次白蓋甲刀盾第十一隊虎翼指揮使都

頭鸚鵡旗黑蓋甲刀盾第十二隊廣勇指揮使都頭太

平旗黃蓋甲刀盾自至十二隊人旗刀盾數列如第一

隊孝宗內去鸚鵡旗麟旗而用慶雲旗瑞麥旗金吾左右道牙門第二門牙

門旗四分左右監門使臣八人並騎孝宗旗省為二人前

部黃麾仗第一部殿中侍御史二員騎監門省為四人同絳引幡二十

十孝宗省擗稍二捧日指揮使二都頭五並騎下黃麾五

十孝宗省鼓四斧十戟弓矢二十稍三十孝宗省弩十

第二部殿中侍御史天武指揮使都頭青麾鼓斧戟弓

矢稍弩第三部殿中御史拱聖指揮使都頭緋麾鼓斧

戟弓矢稍弩孝宗省第四部殿中御史神勇指揮使都

頭黃麾鼓斧戟弓矢稍弩第五部殿中御史驍騎指揮

使都頭白麾鼓斧戟弓矢稍弩第六部殿中御史廣勇

指揮使都頭黑麾鼓斧戟弓矢稍弩自二至六部數列

並如初部 青龍白虎翼並青龍旗二白虎旗一虎翼

都指揮使二弩四弓矢十稍八 班劔儀刀隊並武衛

將軍二人捧日天武拱聖神勇指揮使各二人班劔六

十儀刀六十次驍騎驍勝宣武虎翼指揮使各二人班

劔六十儀劔六十 親勲散手驍衛翊衛隊並中衛郎



四人翊衛郎二人親衛郎二人衛兵四十甲騎四十在

衛兵外 左右驍衛翊衛三隊並第一隊左右驍衛大

將軍二人雙蓮花旗二弩四弓矢十孝宗減弓矢稍十

六孝宗減稍第二隊廣勇指揮使二人吉利旗弩弓矢

稍數如初隊 金吾左右道牙門第三門牙門旗四分

左右監門八人並騎孝宗旗減為二捧日隊三十四

隊左右各十七隊孝宗減為十隊每隊引一人押一人

旗三人槍五人弓箭二十人 後部黃麾仗凡六部第

一部至六部並同前部黃麾仗惟無絳引幡孝宗

三部仗數亦同前部黃麾已絳引幡二十孝宗減

金吾左右道牙門第四門牙門旗四監門八人騎孝宗

為一監門減為四人 步甲後隊第一隊捧日指揮使都頭各二

人騎鶡旗鶡鷄旗各二青鏐甲刀盾二十孝宗減刀盾

並第二隊天武指揮使都頭芝禾並秀旗萬年連理木

旗朱鏐甲刀盾第三隊拱聖指揮使都頭犀旗鶴旗黃

鏐甲刀盾第四隊神武指揮使都頭蒼烏旗白狼旗白

鏐甲刀盾第五隊驍騎指揮使都頭天下太平旗鸚鵡

旗黑鏐甲刀盾第六隊虎翼指揮使都頭鶡鷄旗鶡旗

黃鏐甲刀盾自一至六隊數列並如初隊 金吾左右

道牙門第五門牙門旗四監門八人騎孝宗減旗為二



後部馬隊第一隊捧日都指揮使二角觶旗二弩四弓

矢十稍十六孝宗弓矢減為六稍為八第二隊捧日都指揮使孝宗更

天武赤熊旗弩弓矢稍第三隊天武都指揮使孝宗更

兎旗弩弓矢稍第四隊天武指揮使孝宗時天下太平

旗弩弓矢稍第五隊拱聖都指揮使犀旗孝宗用弩弓

矢稍第六隊拱聖都指揮使芝禾並秀旗孝宗用弩弓

矢稍第七隊神勇都指揮使萬年連理旗弩弓矢稍第

八隊神勇都指揮使騶牙旗弩弓矢稍第九隊驍騎都

指揮使蒼烏旗弩弓矢稍第十隊宣武都指揮使白狼

旗弩弓矢稍第十一隊虎翼都指揮使龍馬旗弩弓矢

稍第十二隊廣勇都指揮使金牛旗弩弓矢稍自一至

十二隊數列並如初隊

皇太后皇后鹵簿皆如禮令徽宗政和元年詔皇后受

冊排黃麾仗及重翟車陳小駕鹵簿后謙避於是詔延

福宮受冊仍舊而小駕鹵簿端禮門外黃麾仗紫宸殿

臣僚稱賀上禮並罷其景靈宮朝謁則依近例三年議

禮局上皇后鹵簿之制清游隊旗一執一人引二人金

吾衛折衝都尉一員騎執擐稍二人夾領四十騎執稍二十人

弩四人橫刀一十六人次虞候伙飛三十八騎次內僕

內僕丞各一員各書令史二人並騎次正道黃麾一執一人夾次



左右廂黃麾仗廂各三行行一百人第一行短戟五色

斿第二行戈五色斿第三行儀鎧五色幡左右領軍衛

左右威衛左右武衛左右驍衛左右衛等各三行行二

十人各帥兵官六人領內左右領軍衛帥兵官各三人

各果毅都尉一員檢校各一人步從左右領軍衛絳引旗引

前掩後各六次內謁者監四人給事內常侍內侍各二

人並騎內給使各一人步從次內給使一百二十人次偏扇團扇

方扇各二十四次香鐙一次執擎內給使四人在重翟車前

次重翟車駕青馬六駕士二十四人行障六坐障三夾

車並宮人執次內寺伯二人騎領寺人六人分左右夾

重翟車次腰輿一輿八人團雉尾扇二夾輿次大繖四大

雉尾扇八錦花蓋二小雉尾扇朱畫團扇各十二錦曲

蓋二十錦六柱八扇自腰輿以下並內給使執次宮人車次絳麾二

各一人執次正道後黃麾一執一人夾二人並騎次供奉宮人次厭翟

車駕赤騮翟車駕黃騮安車駕赤騮各四駕士各二十

四人四望車耕糧車各駕牛三駕士各一十二人次左

右廂各置牙門二每門執二人夾四人一在前黃麾前一在後黃麾後次左右領

軍衛每廂各一百五十人執及帥兵官四人檢校次左

右領軍衛折衝都尉各一員檢校及仗各一人騎後次後及

仗內正道置牙門一每門監門檢校二人騎每廂各巡



檢校尉一員騎來往檢校前後部鼓吹金鉦柶鼓大鼓  
長鳴中鳴鏡吹羽葆鼓吹節鼓御馬並減大駕之半

皇太子鹵簿禮令三師詹事率更令家令各用本品鹵  
簿前導太宗至道中真宗升儲事多謙抑謁廟日止用

東宮鹵簿六引官但乘車而不設儀仗天禧二年仁宗  
為皇太子亦依此制政和三年議禮局上皇太子鹵簿

之制家令率更令詹事各乘輅車太保太傅太師乘輅  
各正道威儀鹵簿依本品次清游隊旗執一人引二人並

正道清道率府折衝都尉一員領二十騎執稍一十八  
人引矢九人弩三人二人騎從折衝次左右清道率府

率各一員領清道直盪及檢校清游隊龍旗等執執一人前二人引後二人護

各二人次外清道直盪二十四人騎次正道細仗引為六重  
每重二人自龍旗後均布至細仗稍與弓箭相間並騎

每廂各果毅都尉一員領次率更丞一員次正道前部  
鼓吹府史二人領鼓吹並騎柶鼓金鉦各二執各一人

鼓吹府史二人領鼓吹並騎柶鼓金鉦各二執各一人  
下準帥兵官二人次大鼓三十六橫行長鳴以此帥兵官

八人長鳴三十六帥兵官二人鏡吹一部鏡鼓二各執  
夾二人後部簫笳各六帥兵官二人柶鼓金鉦各二帥  
兵官二人次小鼓三十六帥兵官四人中鳴三十六帥



兵官二人以上並騎次誕馬卡每匹二人控餘準此廐牧令丞各

一員各府史二人編從次左右翊府郎將各一員領班劔左右

翊衛執班劔二十四人通事舍人四人司直二人文學

四人洗馬司議郎太子舍人中允中舍左右諭德各二

人左右庶子四人並騎自通事舍人以後各步從一人次左右衛率府

副率各一員步從親勳翊衛每廂各中郎將郎將一員

並領六行儀刀第一行親衛二十三人曲折三人第二

行親衛二十五人曲折四人第三行勳衛二十七人曲

折五人第四行勳衛二十九人曲折六人第五行翊衛

三十一人曲折七人第六行翊衛三十三人曲折八人

曲折人並以上三衛並騎次三衛一十八人騎中郎將

二人夾輅在六行儀刀仗內金輅駕馬四僕寺僕馭左

右率府率一員駕士二十二人夾輅左右衛率府率各

一員各步從一人次左右內率府率各一員副率各一員並

騎各步從二人次千騎執細刀弓矢三衛儀刀仗後開牙門

次左右監門率府直長各六人監後門並騎次左右衛率

府每廂各翊衛二隊並騎次厭角隊各三十人執旗二人

引二人執稍一十五人弓矢七人弩三人每隊各郎將

一員領次正道繖二雉尾扇四夾繖次腰輿一輿士八

人團雉尾扇二小方雉尾扇八夾執各一人次內直郎令史



各二人騎從檢校次誕馬十典乘二人府史二人騎從

次左右司禦率府校尉各一人並騎領團扇曲蓋次朱

團扇紫曲蓋各六執各一人次諸司供奉官人次左右清道

率府校尉各一人並騎領大角三十六鏡鼓二簫笳各六

帥兵官二人橫吹十節鼓一箇簫鬘粟五帥兵官二人

並騎次管轄指揮使二人檢校次副輅駕四馬駕士二十

人輅車駕一馬駕士十四人四望車駕一馬駕士一十

人次左右廂步隊凡十六每隊各果毅都尉一人並騎領

隊三十人執旗一人引二人夾二人步二十五人前一

隊執稍一隊帶弓矢以次相間左右司禦率府左右衛

後次左右司禦率府副率各一員檢校步隊各二人

執操稍騎從次儀仗左右廂各六色色九行行六人前

第一行戟赤斝第二行弓矢第三行儀鈿并毘第四刀

盾第五行儀鍠五色幡第六行油戟次前仗首左右廂

各六色色三行行六人左右司禦率府各一員果毅都

尉各一員帥兵官各六人領次左右廂各六色色三行

行六人左右衛率府副率各一員果毅都尉各一員帥

兵官各六人領次盡後鹵簿左右廂各六色色三行行

六人左右司禦率府副率各一員各一人果毅都尉各

一人帥兵官各六人領左右司禦率府率兵官各六人



護後並騎每廂各絳引幡十二執各一人引前揭鼓十

二掛鼓左右司禦率府四重左右衛率府二重次左右廂各一百五十人

左右司禦率府各八十六人左右衛率府各六十四人並分前後在步隊儀仗外

馬隊內前接六旗後盡鹵簿曲折至門每廂各司禦率

府果毅都尉一員檢校各一人從每廂各帥兵官七人

並騎左右司禦率府各四人左右衛率府各三人次馬隊左右廂各十隊每隊帥

兵官以下三十一人旗一執一人引二人執稍十六人弓

矢七人弩三人前第一隊左右清道率府果毅都尉各

一員領第二第三第四隊左右司禦率府果毅都尉各

一員領第五第六第七隊左右衛率府果毅都尉各一

員領第八第九第十隊左右司禦率府果毅都尉各一

員領次後拒隊旗一執一人引二人清道率府果毅都尉

一員領四十騎執稍二十人弓矢十六人弩四人义二

人騎從次後拒隊前當正道及仗行內開牙門次左右

廂各開牙門三前第一門左右司禦率府步隊後左右

率府步隊前第二門左右衛率府步隊後司禦率府儀

仗前第三門左右司禦率府儀仗後左右衛率府步隊

前每開牙門執旗二人監門率府直長各二人並騎次左

右監門率府副率各一員騎來往檢校諸門各一人騎

從次左右清道率府副率各三人仗內檢校并糾察各



一人騎從次少師少傅少保正道乘輅威儀鹵簿各依本品次文武官以次陪從

皇太子妃鹵簿之制政和三年議禮局上清道率府校

尉六人騎次青衣十人次導客舍人四人內給使六十

人偏扇團扇方扇各十八並宮人執行障四坐障二夾車宮人

執典內二人騎厭翟車駕三馬駕士十四人次閣帥二

人領內給使十八人夾車六柱二扇內給使執次供奉

內人乘犢車次繖一正道雉尾扇二團扇四曲蓋二執

扇各內給使一人次給九十宋制臣子無鹵簿名遇升儲則草

具儀注政和禮雖創具鹵簿然未及行也南渡後雖嘗

討論然皇太子皆冲挹不受朝謁宮廟及陪祀及常朝

皆乘馬止以宮僚導從有繖扇而無圍子用三接青羅

繖一紫羅障扇四人從指使二人直省官二人客司四

人親事官二十人輦官二十人翰林司四人儀鸞司四

人厨子六人教駿四人背印二人步軍司宣效一十人

步司兵級七十八人防警兵士四人朝位在三公上扈

從在駕後方圍子內

皇太子妃政和亦有鹵簿南渡後亦省之妃出入惟乘

檐子三接青羅繖一黃紅羅障扇四人從以皇太子府

親事官充輦官前執從物檐子前小殿侍一人抱塗金



香球先驅則教駿兵士呵止

王公以下鹵簿凡大駕六引用本品鹵簿奉冊充使及  
詔葬皆給之親王用一品之制加告止幡傳教幡信幡  
各二其葬日用六引內儀仗真宗咸平二年王承衍出  
葬日在禁樂禮官請鹵簿鼓吹備而不作從之景德二  
年南郊鹵簿使王欽若言鄆王攢日所給鹵簿與南郊  
儀仗吉凶相參望依令別制王公車輅所有鼓吹儀仗  
亦請增置以備拜官朝會婚葬之用從之於是儀服悉  
以盡其葬日在塗以革車代輅徽宗政和三年議禮局  
上王公鹵簿之制中道清道六人次幟弩一騎次大晟

府前部鼓吹令及職掌局長院官各一人捫鼓金鉦各

一大鼓長鳴各一十八捫鼓金鉦各一次引樂官二人

小鼓中鳴各一十次麾幢各一節一夾稍二誕馬八每

捲馬各二人革車一乘駕赤馬四駕士二十五人散扇十方

繖二朱團扇四夾方繖曲蓋各二次大角八次後部鼓

吹丞一員錄事一人次鑊鼓一簫四笳四大橫吹六節

鼓一夾色二笛簫簨笳各四次外仗青衣十二車輻

棒十二戟九十絳引幡六刀盾稍弓矢各八十儀刀十

八信幡八告止幡傳教幡各四儀鉦二儀鐙斧挂五色

幡六油戟十八儀稍十二細稍十二次左右衛尉寺押



當職掌一十一人騎部轄部兵部轄騎兵太僕寺部押人員各一人教馬官各一人押當職掌四人騎

公主鹵簿惟葬日給之秦國成聖繼明夫人葬日亦給外命婦一品鹵簿自餘未嘗用

一品鹵簿命婦同中道清道四人憶弩一騎大晟府前部

鼓吹令職掌一人局長院官各一人捫鼓金鈺各一大

鼓長鳴各一十六麾幢節各一稍二誕馬六次革車一

乘駕赤馬四駕士二十五人命婦厭翟車駕士二十三人二品三品準此散

扇八二品戚四三品戚六命婦散扇五十行障五行於車前二品三品準此方纛二朱團

扇四曲蓋二大角八命婦屬車六駕黃牛十八駕士二十五人

次後部鼓吹丞一員錄事一人引樂官二員鏡鼓一簫

笳大橫吹各四節鼓一笛簫鬲栗笳各四外仗青衣十

人車輻棒十戟九十刀盾稍各八十弓矢六十儀刀三

十信幡八告止幡傳教幡儀鐙斧挂五色幡各四次衛

尉寺排列押當職掌一十一人部轄人員太僕寺部押

人員教馬官各一人押當職掌四人命婦加二人

二品鹵簿命婦同中道清道二人憶弩一大晟府前部鼓

吹令一及職掌局長院官各一人捫鼓金鈺各一大鼓

十四麾幢節各一夾稍二誕馬四次革車一乘駕赤馬

四駕士二十五人散扇四方纛朱團扇曲蓋各二次大



各八次後部鼓吹丞一錄事引樂官各一人鏡鼓一簫  
笳各二大橫吹四笛簫罍笳各二外仗青衣八人車  
輻捧八戟七十刀盾稍弓矢各六十儀刀十四信幡四  
告止傳教幡各二次衛尉排列押當職掌九人部轄人  
員太僕寺部押人員教馬官各一人押當職掌四人命婦

加二人

三品鹵簿命婦中道清道二憶弩一麾幢各一節一夾

稍二誕馬四次革車一乘駕亦馬四駕士二十五人散

扇二方繖二曲蓋一大角四外仗青衣八人車輻捧六

戟六十刀盾稍弓矢各五十儀刀十二信幡四告止傳

教幡各二次衛尉排列押當職掌七人部轄人員太僕

寺部押人員教馬官各一人押當職掌四人命婦

以上皆政和所定也



宋史卷一百四十七終

宋史卷一百四十八

儀衛志第一百一

開府儀同司上柱國錄軍國重事前出書右丞相監修國史領經筵事都總裁脫等修

皇明朝列大夫國子監祭酒臣方從哲

承德郎右春坊右允管國子監司業事臣黃汝良等奉

勅重校刊

儀衛六 鹵簿儀服

鹵簿儀服自漢鹵簿象最在前晉平吳後南越獻馴象  
作大車駕之以載黃門鼓吹數十人使越人騎之以試  
橋梁宋鹵簿以象居先設木蓮花坐金蕉盤紫羅繡褥  
絡腦當曾後鞦並設銅鈴杏葉紅犛牛毛拂拔塵每象

萬曆二十七年刊

宋史卷一百四十八

儀衛志



南越軍一人跨其上四人引並花脚幞頭排繡窄衣銀帶太宗太平興國六年兩莊養象所奏詔以象十於南郊引駕開寶九年南郊時其象止在六引前排列詔鹵簿使領其事

旗皆錯采爲之漆竿銳首纛頭錦帶腰火燄脚白澤攝提金鸞金鳳獅子莒文天下太平君王萬歲仙童騰蛇神龜及在步甲前後隊後馬隊三隊六軍儀仗內並以赤日月及合璧連珠風雨雷電五星二十八宿祥雲並以青北斗以黑五岳四瀆五方四神十二辰五龍五鳳龍虎君並以方色天王以赤黃二色排欄以黃紫赤三

色元豐三年詳定郊廟奉祀禮文所言鹵簿前用二十八宿五星攝提旗有司乃取方士之說繪爲人形於禮無據伏請改製各著其象以則天文從之元祐七年太常寺言二十八宿旗五星攝提旗按鹵簿圖畫人形及牛虎頭婦人小兒之類於禮無據元豐三年禮文所上言乞改製各著其象以則天文後有司循舊儀未曾改正今欲改造從之元符二年徽宗卽位兵部侍郎黃裳言南郊大駕諸旗名物除用典故制號外餘因時事取名伏見近者璽授元符茅山之上日有重輪太上老君眉門發紅光武夷君廟有仙鶴臣請制爲旗號曰寶符



宋史卷一百一十八 禮志 二  
曰重輪曰祥光曰瑞鶴從之政和四年禮制局言鹵簿  
大黃龍負圖旗畫八卦乞改畫九一三七二四六八五  
之數仙童網子大神三旗無所經見乞除去從之初大  
觀三年西京穎陽縣大慶觀聖祖殿東有嘉禾芝草並  
生其嘉禾一本四穗芝草葉圓而重起至是詔製芝禾  
並秀旗又以是年二月上生青赤黃戴氣後日下生  
青赤黃承氣詔製日有戴承旗又以元符二年武夷君  
廟有仙鶴迎詔政和二年延福宮宴輔臣有羣鶴自西  
北來盤旋於睿謨殿上及奏大晟樂而翔鶴屢至詔製  
瑞鶴旗八年禮部侍郎張邦昌奏太祖時甘露降於江

陵者十日瑞麥秀於濮陽者六岐獲金鸚鵡於瓏城得  
三玉兔於鄆封馴象至而五嶺平瓊管族而白鹿出皆  
命製爲旗章陳之望詔有司取自崇觀至今凡中外所  
上瑞應悉掇其尤殊者增製旗物上以丕承天貺下以  
聳動民瞻從之初宋制其物尤盛中興後惟務簡約雖  
參用舊制然亦不無因革其太常青質夾羅維繡日月  
星而無龍下有網鬚謂之笱而竿頭爲龍首銜青結綬  
垂青旒綏十二謂之旒蓋幅下無旂而竿首垂旒抑又  
取古者注旒及羽於竿首之遺制竿用桐木護以剖竹  
膠以髹飾以藻玉輅建之大旂黃質九幅每幅繡升龍



一側幅二下垂黃絲網綾九金輅建之大赤朱質七幅  
每幅繡鳥隼二側幅如之下垂朱絲網綾七象輅建之  
大白素質五幅每幅繡熊一虎一側幅如之下垂淺黃  
絲網綾五革輅建之大麾皂質四幅每幅繡五采龜蛇  
一側幅繡龜二下垂阜絲網綾四木輅建之其黃龍負  
圖旗建隆初初爲大制有架旗力重以百九十人維之  
今用七十人其君王萬歲天下太平日月五星北斗招  
搖青龍朱雀白虎玄武等十旗皆以十七人維之其祥  
瑞旗八紹興二十五年所制也是歲適當郊祀而太廟  
生靈芝九莖贛州進太平瑞木道州連理木遂寧府嘉  
禾鎮江府瑞瓜南安軍雙蓮花嚴州兜率寺信州玉山  
芝草黎州甘露禮部侍郎王珉等請繪之華旗以紀盛  
美焉

五牛旗依方色皆小輿上刻木爲牛背插旗錯采爲牛  
旗竿上有小盤盤衣及輿衣亦並繡牛形輿士各四人  
服繡五色牛衣自太祖時詔用之神宗熙寧七年太常  
寺言大駕鹵簿羊車本前代宮中所乘五牛旗蓋古之  
五時副車也以木牛戴旗用人輿之失其本制宜省去  
從之

牙門旗古者天子出建大牙今制赤質錯采爲神人象



中道前後各一門左右道五門門二旗蓋取周制樹旗表門及天子五門之制

駕頭一名寶床正衙法坐也香木爲之四足琢山以龍卷之坐面用藤織雲龍四圍錯采繪走龍形微曲上加緋羅繡褥裹以緋羅繡帕每車駕出幸則使老內臣馬上擁之爲前驅焉不設則以朱匣韜之

幡本幟也貌幡幡然有告止傳教信幡皆絳帛錯采爲字上有朱綠小蓋四角垂羅文佩繫龍頭竿上其錯采字下告止爲雙鳳傳教爲雙白虎信幡爲雙龍又有絳引幡制頗同此作五色間暈無字兩角垂佩中興爲六角蓋垂珠佩下有橫木板作碾玉文三幡亦以錯采篆書告止傳教信幡

幢制如節而五層韜以袋繡四神隱方色朱漆柄取曲禮行前朱雀而後玄武左青龍而右白虎之義王公所給幢黑漆柄紫綾袋中興用生色袋

皂纛本後魏纛頭之制唐衛尉器用纛居其一蓋旄頭之遺象制同旗無文采去鏃首六脚後志云今制皂邊皂旂旂爲火焰之形金吾仗主之每纛一人持一人拓之乘輿行則陳於鹵簿左右各六

絳麾如幢止三層紫羅囊蒙之王公麾以紫綾袋



黃麾古有黃朱纁三色所以指揮也漢鹵簿有前黃麾護駕御史宋制絳帛爲之如幡錯采成黃麾字下纁交龍朱漆竿金龍首上垂朱綠小蓋神宗元豐二年詳定朝會御殿儀注所言按周禮木輅建大麾以田鄭氏曰大麾不在九旗之中以正色言之則黑夏后氏所建禮記曰有虞氏之旂夏后氏綏鄭氏曰綏謂注旂牛尾於杠首所謂大麾書曰王右秉白旂以麾孔穎達曰虞世但注旂夏世始加旒纒西京雜記漢大駕有前黃麾崔豹古今注麾所以指麾乘輿以黃諸公以朱刺史二千石以纁開元禮儀纂曰唐太宗法夏后之前制取中方之正色故制大麾色黃今禮有黃麾其制十二幅開通禮義纂曰黃中央之色此仗最近車輅故以應象取其居中道達四方含光大也今鹵簿黃麾以夏制言之則狀不類旗以漢制言之則色又不黃伏請製大麾一注麾於竿首則法夏后氏之制其色正黃則用漢制以十二幅爲旗則取唐制以一旒爲之則取今龍墀旗之制當元會陳仗衛建大黃麾一於當御廂之前以爲表識其當御廂之後則見黃麾幡二并上大黃麾黃麾旛制度神宗批曰黃麾制度考詳前志終是可疑今鑿而爲之植於大庭中外共瞻之地或爲博聞多識者所譏



宜且闕之更俟討求黃麾仍舊

斨本緝鳥毛爲之唐有六色孔雀大小鵝毛鷄毛之制後志云今制有青緋皁白黃五色上有朱蓋下垂帶帶繡禽羽末綴金鈴青則繡以孔雀五角蓋緋則繡以鳳六角蓋皁則繡以鵝六角蓋白亦以鵝四角蓋黃則以雞四角蓋每角綴垂佩揭以朱竿上如戟加橫木龍首以繫之

金節隋制也黑漆竿上施圓盤周綴紅絲拂八層黃繡龍袋籠之王公以下皆有節利同金節韜以碧油繡古

張昂避雨之制今有方繖大繖皆赤所繡紫表朱裏四角

銅螭首六引內者其制差小哲宗元祐七年太常寺言開元禮大駕八角紫繖王公已下四角青繖今鹵簿圖但引紫繖而無青繖之文詔改用紹興十三年將郊詔繖扇如舊制拂扇等不以珠飾

蓋本黃帝時有雲氣爲花藹之象因而作也宋有花蓋導蓋皆赤質如繖而圓瀝水繡花龍又有曲蓋差小惟乘輿用之人臣則親王或賜之而以青繪繡瑞草焉睥睨如華蓋而小

扇篲緋羅繡扇二緋羅繡曲蓋一並內臣馬上執之駕頭在細仗前扇篲在乘輿後大駕法駕鸞駕常出並用



之扇圓徑四尺二寸柄長八尺三寸黃茸繡團龍仍用  
金塗銅飾扇有朱團及雉尾四等朱團繡雲鳳或雜花  
黑漆柄金銅飾雉尾皆方繡雉尾之狀有三等大雉扇  
長五尺二寸闊三尺七寸中扇小扇遞成二寸下方上  
殺以緋羅繡雉尾之狀中有雙孔雀雜花下施黑漆橫  
木長柄以金塗銅飾乘輿出入必以前持障蔽凡朔望  
朝賀行冊禮皇帝升御坐必合扇坐定去扇禮畢駕退  
又索扇如初蓋謂天子升降俯仰衆人皆得見之非肅  
穆之容故必合扇以障焉旱畢象畢昂爲天堦故爲前

引皆赤質金銅飾朱藤結細金獸面單方上有二螭首

銜紅絲拂畢圓如扇香鐙唐制也朱漆案緋繡花龍衣  
上設金塗香爐燭臺長竿二輿士八人金塗銀火鐻香  
匙副之

大角黑漆畫龍紫繡龍袋

長鳴吹鳴大小橫吹五色衣幡緋掌畫交龍樂令三品  
已上緋掌畫蹲豹

撮稍撮擊聲也一云象撮牛善聞字從牛唐金吾將軍  
執之宋制如節有袋上加碧油常置朝堂車駕鹵簿出  
則八枚前導又四枚夾大將者名衛司撮稍

稍長矛也木刃黑質畫雲氣又有細稍制同而差小戟



有枝兵也木爲刃赤質畫雲氣上垂交龍掌五色帶帶末綴銅鈴及鈹戟無掌而有小橫木鈹插也制本插車旁又小戟與鈹戟同

及叉戟之類及無刃而短黑飾兩末又青飾兩末並中白畫雲氣各綴朱絲拂

槍稍也唐羽林所執制同稍而鐵刃上綴朱絲拂

儀鎧鉞屬也秦漢有之唐用爲儀仗刻木如斧塗以青柄以黃上綴小錦幡五色帶

班劍本漢朝服帶劍晉以木代之亦曰象劍取裝飾斑

欄之義鞞以黃質紫班文金銅飾紫絲條幘錯

御刀晉宋以來有之黑鞞金花銀飾鞞紫絲條幘錯又儀刀制同此悉以銀飾王公亦給之

刀盾刀本容刀也盾旁排也一人分持刀以木爲之無鞞有環紫絲條幘錯盾赤質畫異獸又朱滕絡盾制悉同唯綠滕綠質皆特執之

幟弩漢京尹司隸前驅持弓以射窺者宋制每弩加箭二有鞞畫雲氣仗內弩皆同

弓箭每弓加箭二有鞞同幟弩  
車輻棒也形如車輪輻宋制朱漆八稜白榦柯舒黑漆棒也制同車輻以金銅釘飾



鐙杖黑漆弩柄也以金銅爲鐙及飾其末紫絲條繫之  
鳴鞭唐及五代有之周官條狼氏執鞭趨辟之遺法也  
內侍二人執之鞭鞘用紅絲而漬以蠟行幸則前驅而  
鳴之大祀禮畢還宮亦用焉視朝宴會則用於殿庭  
誕馬散馬也如金塗銀開裝鞍勒乘輿以紅繡韉六韉  
王公以下用紫繡及剡花韉哲宗元祐七年太常寺言  
誕馬按鹵簿圖曰舊並施鞍韉景祐五年去之昨納后  
誕馬猶施鞍韉今欲乞除去仍依鹵簿圖用纓轡緋履  
御馬鞍勒之制有金玉水晶金塗四等開裝鞞鞞促結  
爲半龍碾級鏤塵沙面平面窪面方團寸節卷荷校具  
皆垂六韉金銀裏鞍橋銜鐙朱黃絲條轡鞞緋黃織繡  
或素圓韉襪襪用金銀綫織或緋黃絕鞭用紫竹紅黃  
絲鞞纓以紅黃犛牛尾金爲缺每日馬五匹供奉官用  
玉及金塗襪襪皆素行幸則十四匹加真金水晶之飾  
太宗至道二年紹先是御馬以織成吧覆鞍勒今後以  
廣絹代之

馬珂之制銅面鵬翎鼻拂鞞胷上綴銅本葉紅絲拂又  
胷前及腹下皆有攀綴銅鈴後有跋塵錦包尾獨鹵簿  
中金吾衛將軍導駕者皆有之

甲騎具裝甲人鎧也具裝馬鎧也甲以布爲裏黃絕表



之青綠畫爲甲文紅錦祿青純爲下幫絳韋爲絡金銅  
鉄長短至膝前膺爲人面二自背連膺纏以錦騰蛇具  
裝如常馬甲加珂拂於前膺及後鞞

毬杖金塗銀裏以供奉官騎執之分左右前導大禮用  
百人花脚幞頭紫繡袂袍襖常出三十人公服皆騎導  
雞竿附竿爲雞形金飾首啣絳幡承以綵盤維以絳索  
揭以長竿募衛士先登爭得雞者官給以纈襖子或取  
絳幡而已大禮畢麗正門肆赦則設之其義則雞爲巽  
神巽王號令故宣號令則象之陽用事則雞鳴故布宣  
陽澤則象之一曰天雞星動爲有赦故王者以天雞爲

慶金雞事六朝已有之或謂起于西京南渡後則自紹  
興十三年始也大駕鹵簿巾服之制金吾上將軍將軍  
六統軍二牛中郎將服花脚幞頭抹額紫繡袍佩牙刀  
珂馬諸衛大將軍將軍中郎將折衝果毅散手翊衛服  
平巾幘紫繡袍大口袴錦騰蛇銀帶佩橫刀執弓箭千  
牛將軍服平巾幘紫繡袍大口袴銀帶鞞鞞橫刀執弓  
箭珂馬千牛服花脚幞頭緋繡袍抹額大口袴銀帶鞞  
鞞前馬隊內折衝及執稍者服錦帽緋繡袍銀帶監門  
校尉六軍押仗服幞頭紫繡兩襠隊正服平巾幘緋繡  
袍大口袴諸衛主率都尉引駕騎持鈇隊內校尉旅帥



執衛司及仗爆稍金吾十六騎班劔儀刀隊親勲兩衛  
執大角人並服平巾幘緋繡襖褙大口袴佩橫刀執弓  
箭金吾押牙服金鵝帽紫繡袍銀帶儀刀金吾持燾者  
服烏紗帽皂衣袴鞵鞵金吾押燾服幘頭皂繡衫大口  
袴銀帶烏皮鞵執金吾爆稍服錦袍帽臂鞵銀帶烏皮  
鞵清遊隊仗飛執副仗稍服甲騎具裝錦臂鞵橫刀執  
弓箭白袴朱雀隊執旗及執牙門旗執絳引旛黃麾旛  
者並服緋繡衫抹額大口袴銀帶執及仗前後步隊真  
武隊執旗前後部黃麾執日月合璧等旗青龍白虎隊  
金吾細仗內執旗者並服五色繡袍抹額行膝銀帶執  
白竿棒人加銀褐捍腰執龍旗及前馬隊內執旗人服  
五色繡袍銀帶行膝大口袴執弓箭執龍旗副竿人服  
錦帽五色繡袍大口袴銀帶執弩弓箭人服錦帽青繡  
袍銀帶前後步隊人服五色蓋甲錦臂鞵鞵袴銀帶  
朱雀隊內執弓箭弩稍虞候仗飛執長壽幢寶輿法物  
人並服平巾幘緋繡袍大口袴銀帶援寶執絳麾真武  
幢義人並服武弁紫繡衫持鈇隊殿中黃麾繖扇腰輿  
香鐙華蓋指南遙賢等車駕士相風鐘漏等輿輿士並  
服武弁緋繡衫駕羊車童子服垂耳髻青頭鬅青繡大  
袖衫袴勒帛青耳履執引駕龍墀旗六軍旗者服錦帽



五色繡衫錦臂鞬銀帶引夾旗及執柯舒鐙仗者服帖  
金帽餘同上執花鳳飛黃吉利旗者服銀褐繡衣抹額  
銀帶夾轂隊服五色質蓋鎧錦臂鞬白行滕紫帶鞵鞵  
驍衛翊衛三隊服平巾幘緋繡袍大口袴錦螭蛇五輅  
副輅耕根車駕士服平巾幘青繡衫青履鞵教馬官服  
幘頭紅繡抹額紫繡衫白袴銀帶掌輦主輦服武弁黃  
繡衫紫繡誕帶攏御馬者服帖金帽紫繡大袖衫銀帶  
執真武幢者服武弁阜繡衫紫繡誕帶五牛旗輿士服  
武弁五色繡衫大口袴銀帶掩後隊服黑蓋甲錦臂鞬  
行滕鼓吹令丞服綠袴褶冠銀褐裙金銅革帶緋白大  
帶履鞵太常寺府史典事司天令史服幘頭綠衫黃半  
臂太常主帥擗鼓金鈺節鼓人服平巾幘緋繡袍大口  
袴抹帶錦螭蛇歌拱宸管簫笳笛簫栗無螭蛇太常大  
鼓長鳴小鼓中鳴服黃雷花袍袴抹額抹帶太常鏡大  
橫吹服緋苴文袍袴抹額抹帶太常羽葆鼓小橫吹服  
青苴文袍袴抹額抹帶排列官令史府史服黑介幘緋  
衫白袴白勒帛司辰典事漏刻生服青袴褶冠黃帶殿  
中少監奉御供奉排列官引駕仗內排列承直官大將  
金吾引駕押仗押旗服幘頭紫公服烏皮鞵尚蓋奉御  
直長乘黃令丞千牛長史進馬四色官服幘頭綠公服



白袴金銅帶烏皮鞞殿中職掌執徽扇人服幘頭碧襪  
金銅帶烏皮鞞舊衣黃太平興國六年并內侍省並改服以碧凡繡文金吾衛  
以辟邪左右衛以瑞馬驍衛以雕虎屯衛以赤豹武衛  
以瑞鷹領軍衛以白澤監門衛以獅子千牛衛以犀牛  
六軍以孔雀樂工以鸞耕根車駕士以鳳御嘉禾進賢  
車以瑞麟明遠車以對鳳羊車以瑞羊指南車以孔雀  
記里鼓黃絨車以對鵝白鷺車以翔鷺鸞旗車以瑞鸞  
崇德車以辟邪皮軒車以虎屬車以雲鶴豹尾車以立  
豹相風烏輿以烏五牛旗以五色牛餘皆以寶相花六  
引內使服之制清道官服武弁緋繡衫革帶持憶智車  
輻棒者服平巾赤幘緋繡衫赤袴銀帶青衣服平巾青  
幘青袴褶持戟徽扇刀盾者服黃繡衫抹額行膝銀帶  
持旛蓋者服繡衫抹額大口袴銀帶內告止旛曲蓋以  
緋傳教旛信旛絳引旛以黃執誕馬轡儀刀麾幢節夾  
稍大角者服平巾幘緋繡衫大口袴銀帶大駕鹵簿內  
執轡並錦絡衫帽持弓箭稍者服武弁緋繡衫白袴駕  
士服錦帽繡戎服大袍銀帶弓箭以青稍以紫持柁鼓  
者服平巾幘緋繡對鳳袍大口袴白袜帶錦騰蛇鏡吹  
部內服平巾幘緋繡袍白袜帶白袴餘悉同大駕前後  
部其繡衣文清道以雲鶴憶弩以辟邪車輻以白澤駕



士司徒以瑞馬牧以隼御史大夫以獬豸兵部尚書以  
虎太常卿以鳳縣令以雉樂工以鸞餘悉以寶相花太  
祖建隆四年范質議按開元禮武官陪立大仗加騰蛇  
襖襠如袖無身以覆其膊胛蓋掖下逢也從肩領覆臂  
膊共一尺二寸又按釋文玉篇相傳云其一當胷其一  
當背謂之兩當今詳稱襠之制其領連所覆膊胛其一  
當左膊其一當右膊故謂之起膊今請兼存兩說擇而  
用之造襖襠用當胷當背之制宣和元年禮制局言鼓  
吹令丞冠又名袴褶冠今鹵簿旣除袴褶冠名不當仍  
舊請依舊記如三禮圖委貌冠製從之

宋史卷一百四十八終



開府儀同三司上柱國錄軍國軍事前中書右丞相監修國史領經筵事都統裁脫等

皇明朝列大夫國子監祭酒 臣 方從哲

承德郎右春坊右中允管國子監司業事 臣 黃汝良等奉

勅重校刊

輿服

玉輅	大輅	大輦
芳亭輦	鳳輦	逍遙輦
平輦	七寶輦	小輿
腰輿	耕根車	進賢車
明遠車	羊車	指南車
記里鼓吹	白鷺車	鸞旗車
崇德車	皮軒車	黃鉞車
豹尾車	屬車	五車

萬曆二十七年刊

宋史卷一百四十九

儀衛志

一



涼車  
十二神輿  
相風烏輿  
行漏輿  
鉦鼓輿  
鐘鼓樓輿

昔者聖人作輿軫之方以象地蓋之圓以象天易傳言黃帝堯舜垂衣裳而天下治蓋取諸乾坤夫輿服之制取法天地則聖人創物之智別尊卑定上下有大於斯二者乎舜命禹曰予欲觀古人之象日月星辰山龍華蟲作會宗彝藻火粉米黼黻絺繡以五采彰施於五色作服汝明周官之屬有巾車典輅司常有司服司裘內司服等職以是知輿服始於黃帝成於唐虞歷夏及商而大備於周周衰列國肆為侈汰秦併之擊上選以供服御其次以賜百官始有六駕法駕之制又自天子以至牧守各有鹵簿焉漢興乃不能監古成憲而倣秦所為自是代有變更志有詳略東漢至舊唐書皆稱輿服新唐書改為車服鄭樵合諸代為通志又為器服其文雖殊而攷古制作無以尚於三代矣夫三代制器所以為百世法者以其藝質適中也孔子答顏淵為邦之問曰乘殷之輅服周之冕且禮謂周人上輿而孔子獨取殷輅是殷之質勝於周也又言禹致美乎黻冕而論冕以周為貴是周之文勝於夏也蓋已不能無損益於其間焉不知歷代於秦已還何所損益乎宋之君臣於二帝三王周公孔子之道講之甚明至其規模制度飾為



聲名已足粲然雖不能盡合古制而於後代庶無愧焉  
宋初衮冕綴飾不用珠玉蓋存簡儉之風及爲鹵溲又  
熾以旗幟華以繡衣褻以毳杖豈非循襲唐五季之習  
猶未能盡去其陋邪貽之子孫殆有甚焉者矣迨于徽  
宗奉身之欲奢蕩靡極雖欲不亡得乎靖康之末累朝  
法物淪沒於金中興掇拾散逸參酌時宜務從省約凡  
服用錦繡皆易以纈以羅旗仗用金銀飾者皆易以繪  
以髹建炎初有事郊報仗內拂扇當用珠飾高宗曰事  
天貴質若尚華麗非禋祀本意也是以子孫世守其訓  
雖江介一隅而華質適時尚足爲一代之法其儒臣名  
物度數之學見諸論議又有可觀者焉今取舊史所載  
著于篇作輿服志

五輅宋自神宗以降銳意稽古禮文之事招延儒士折  
衷同異元豐有詳定禮文所徽宗大觀間有議禮局政  
和又有禮制局先是元豐雖置局造輅而五輅及副輅  
多仍唐舊玉輅自唐顯慶中傳之至宋曰顯慶輅親郊  
則乘之制作精巧行止安重後載太常與闕戟分左右  
以均輕重世之良工莫能爲之其制箱上置平盤黃屋  
四柱皆油畫刻鏤左青龍右白虎龜文金鳳翅雜花龍  
鳳金塗銀裝間以玉飾頂輪三層各施銀耀葉輪衣小



帶絡帶並青羅繡雲龍周綴緹帶羅文佩銀穗毬小鈴  
平盤上布黃耨四角勾闌設圓鑑翟羽虛匱內貼銀鏤  
香罨軾匱銀龍二銜香囊銀香爐香寶錦帶下有障塵  
青畫輪轅銀轂乘葉三轅銀龍頭橫木止有銀鳳十二  
左建青旗十有二旒皆繡升龍右載闌戟繡黻文並青  
繡綢杠又設青繡門簾銀節梯一拓义二推竿一銀踏  
頭銀裝行馬青繪裏輓索駕六青馬馬有金面插鷗羽  
鞶纓攀胸鈴拂青繡屣錦包尾又誕馬二在輅前節同  
駕馬餘輅及副輅皆有之駕士六十四人金輅色以赤駕六赤馬  
建大旂駕士六十四人象輅色以淺黃駕六楮白馬建

大赤駕士四十人黃輅色以黃駕六騊馬建大白駕士  
四十人木輅色以黑駕六黑騊馬建大麾駕士四十人  
白金輅而下其制皆同玉輅惟無玉飾五副輅並駕六  
馬駕士四十人當用銀飾者皆以銅餘制如正輅政和  
三年議禮局更上黃帝車輅之制詔頒行輅箱上平  
盤黃屋以下皆如舊頂輪三層內一層素輪頂上施金  
塗銀山花葉及翟羽青絲繡雲龍絡帶二周綴雜色緹  
帶八銅佩八銀穗毬二平盤上布紅羅繡雲龍褥曲几  
扶几上下設銀螭首二十四四角勾闌設圓鑑一十六  
青羅繡寶相花帶火珠二十八香匱設香爐紅羅繡寶



相花帶香囊香寶銀結綬二紅羅繡雲龍結綬一紅錦  
幟龍鳳門簾一青畫輪轅銀轂乘葉軾置橫轅前轅並  
飾以金塗銀螭首橫轅上施銀立鳳一十二左建太常  
十有二旒右載闕戟繡鞞文杠袴一以青繡杠首飾以  
銀螭首金塗銅鈹青犖牛尾拂青繒裏索駕青馬六馬  
有銅面挿鵬羽鞞纓攀胸鈴拂青線織履紅錦包尾又  
踏路馬二在輅前飾同駕馬凡大祭祀乘之金輅以上  
並以次列其後若大朝會冊命皇太子諸王大臣則設  
五輅於大慶殿庭爲充庭之儀金輅赤質以金飾諸末  
建大旂餘同玉輅駕赤馬六凡玉輅之飾以青者金輅  
以緋象輅淺黃質金塗銅裝以象飾諸末建大赤餘同  
玉輅駕赭白六凡玉輅之飾以青者象輅以銀褐革輅  
黃質鞞之以革建大白餘同玉輅駕騮馬六凡玉輅之  
飾以青者革輅以黃木輅黑質漆之建大麾餘同玉輅  
駕黑騮六凡玉輅之飾以青者木輅以皂凡玉輅用金  
塗銀裝者象輅革輅木輅及五副輅並金塗銅裝又禮  
制局言玉輅馬纓十二而無采不應古制欲以五采屬  
飾樊纓十有二就輅衡軾並無鸞和乞添置蓋弓二十  
有二不應古制乞增爲二十八以象星又巾車言玉輅  
建太常而不言色司常注云九旗之帛皆用絳以周尚



赤故也禮記月令中央天子乘大輅載黃旂以金象木  
革四輅及所建之旂與四時所乘所載皆合今玉輅所  
建之旂以青帛十二副連屬爲之有升龍而非交龍又  
無三乘皆非古制如依成周以所尚之色則用赤依月  
令兼四代之制則當用黃仍分縵旂之制及繡畫三辰  
於其上今改制太常其旂曳地當依周官以六人維之  
又左傳言錫鸞和鈴昭其聲也注錫在馬額鈴在旂首  
今旂首無鈴乞增置又車蓋周以流蘇及佩各八無所  
法象欲各增爲十二以應天數又輅之諸末盡飾以玉  
爲稱其實而羅紋雜佩乃用塗金乞改爲玉又車箱兩

輅有金塗龜文及鷩趨左龍右虎迺後代之制欲改用  
繆龍加玉爲飾又言旣見太常當車之後則自後登車  
有妨曲禮言君車將駕則僕執策立於馬前已駕僕展  
軛効駕奮衣由右上取貳綬跪乘執策分轡驅之五步  
而立君出就車則君升車亦當自右由前而入今玉輅  
前有式匱不德百制恐當更革以便登車及改式之制  
又禮記言車得其式周官輿人三分其隊一在前二在  
後以揉其式以其廣之半爲之式崇三分軫圍去一以  
爲式圍三分軛圍去一以爲鞞圍注立者爲鞞橫者爲  
軛今玉輅無式詔玉輅用青質輪軛絡帶其色如之四



柱平盤虛匱則用赤增蓋弓之數爲二十八左右建旂  
常並青太常繡日月五星二十八宿旂上則繡以雲龍  
朱杠青緇鈴垂十有二就流蘇及佩各增十二之數樊  
纓飾以五采之屬衡式之上又加鸞和輅之諸末耀葉  
螭頭雲龍垂牙鎚脚花版結綬羅絞雜佩羽臺蔥臺麻  
鑪香寶壓貼牌字皆飾以玉自後而升式匱不去旣成  
高二丈七寸五分濶一丈五尺副玉輅亦用青色舊駕  
馬四增爲六色亦以青政和四年詔改脩正副輅討論  
製造金象革木四輅並依新修玉輅制度旂常並建各  
輿輅一色除去闕戟改車輅兩輅龜文鷓翅左龍右虎  
之飾並用螭龍增蓋弓博山流蘇等數軾衡加和鸞以  
合於古金輅朱質飾以金塗銀左右建太常大旂及輪  
衣絡帶等色皆以黃龍旂九旂如周官金輅建大旂之  
制駕馬以駟飾樊纓五采九就象輅朱質凡制度裝綴  
名物並同金輅飾以象及金塗銀銅鍮石左右建太常  
大赤輪衣絡帶等色皆以紅大赤繡鳥隼七旂如周官  
象輅建大赤之制駕馬以赤飾樊纓七就革輅朱質凡  
制度裝綴名物並同金輅飾以金塗銅鍮石左右建太  
常大白及輪衣絡帶等色皆以淺黃大白繡熊虎六旂  
如周官革輅建大白之制駕馬以赭白飾樊纓五就木



輅朱質凡制度裝綴名物皆同金輅飾以金塗鍮石左右建太常大麾及輪衣絡帶等色皆以阜大麾繡龜蛇四旂如周官木輅建大麾之制駕馬以烏飾樊纓三就四輅駕馬各六玉輅駕士六十四人餘皆四十人又禮制局增改雅飾諸輅舊副玉輅色青飾以金改用黃而飾以玉樊纓如玉輅之制建太常色黃飾以組象日月於繚星辰於旂其長曳地舊金輅改用青飾以金樊纓以五采罽而九就見大旂色青飾以組象交龍於繚升龍於旂其長齊軫象輅改用赤飾以象樊纓以五采罽而七就建大赤色赤飾以組象鳥隼於繚旂其長齊較革輅改用白飾以革龍勒條纓見大白色白飾以組象熊虎於繚旂其長齊肩三輅皆維以縷削幅爲之木輅依舊色而飾以漆其色黑前樊鵠纓建大麾色黑飾以組象龜蛇於繚旂其長齊首維以縷充幅爲之又詔玉輅身仍用紅太常旂絡帶等用黃餘常旂絡帶亦隨其輅色高宗渡江鹵簿儀仗悉燬於兵紹興十二年始命工部尚書莫將戶部侍郎張澄等以天禧宣和鹵簿圖考究制度及故內侍工匠省記指說叅酌制度是年九月玉輅成明年遂作金象革木四輅副輅不設玉輅之制青色飾以玉通高十九尺輪高六十三寸輻徑三十



九寸軸長十五尺三寸頂上刻為輪三層象天園地外

施青玉博山八十一一名耀葉鏤以金塗龍文覆以青羅曰

輪衣綴垂玉佩間以五色垂犖尾曰流蘇一名緜帶頂四角

分垂青羅曰絡帶表裏繡雲龍遇雨則油黃繒覆之輅

之中四柱象地方也前柱卷龍平檠上布錦褥前有橫

軾後垂錦軟簾登車則自後卷簾梯級以登四面周以

闌而闕其中以備登降執綬官先自右升立於右柱下

以備顧問闌柱頭有玉蹲龍軾前有牌鏤曰玉輅以玉

篆之上有玉龍二中設御坐純以黃香木為之取其黃

中之正色也下有塗金蹲龍十六在平檠四圍下又有

拓角雲龍金彩飾之前後左右各二前有轅木三鱗體

昂首龍形轅木上策兩橫竿在前者名曰鳳轅馬負之

以行次日推轅班直推之以助馬力橫於轅後者名曰

壓轅以人壓於後欲取其平車輪三歲一易心用榆園

數尺圈以鐵以防折裂橫貫大木以為軸夾以兩輪輪

皆彩畫此輅下飾也每新輪成載鐵萬斤試之左建太

常右建龍旂插於輅後兩柱之金環前駕青馬六馬有

鏤錫鞞纓金鈴紅旄繡屨金包駿錦包尾青繒裏索引

之駕士二百三十二人誼馬十二人左右索百二十八

前後包轅各六人推竿四人奉輪四人拓義四人淨席

四人前攔人員一人後攔人員一人前攔馬八人後攔



馬八人踏道人員二人踏道二十人小梯  
子二人燭臺二人香匙剪子二人左右索人員二人○  
又有呵喝人員二人教馬官二人捧輪將軍四人二牛  
衛將軍二人推輪軸官建八人抱太常龍旗官六人職  
掌五人專知官一人手分一人庫子八人裝柱工匠二  
人諸作工匠十五人蓋覆儀鸞司十一人監官三員  
金輅黃色飾以金塗銀制如王輅而高減五寸博山輪  
衣絡帶轅輻軸並以黃建大旂九旂駕黃馬六駕士一  
百五十四人象輅朱色飾以象及金塗銅制如金輅博  
山輪衣絡帶並以朱建大赤七旂駕赤馬六駕士一百  
五十四人革輅淺黃白色飾以金塗銅制如象輅博山  
輪衣絡帶並以淺黃白建大白六旂駕黃白馬六駕士  
百五十四人木輅黑色飾以金塗銀制如革輅博山輪  
衣絡帶並以黑建大麾四旂駕黑馬六駕士一百五十  
四人五輅駕士服色平巾幘青絹抹額纈絹對花鳳袍  
緋纈絹對花寬袖襖羅袜絹袴襪麻鞵其色各從其輅  
大輅政和六年徐秉哲言南北郊皇帝乘玉輅以赴齋  
宮自齋宮赴壇正當祀天祭地乃乘大輅疑非禮意下  
禮制局討論禮制局請造大輅如玉輅之制唯不飾以  
玉所駕之馬其數如之唯樊纓一就以稱尚質之義仍  
建大旂十有二旒龍章日月以協象天之義至禮畢還  
齋宮則御大輅於禮無嫌從之  
大輅周官巾車氏有輦車以人組挽之宮中從容所乘



唐制輦有七一曰大鳳輦二曰大芳輦三曰仙遊輦四曰小輕輦五曰芳亭輦六曰大王輦七曰小玉輦太祖建隆四年翰林學士承旨陶穀爲禮儀使創意造爲大輦赤質正方油畫金塗銀葉龍鳳裝其上四面行龍雲氣火珠方鑑銀絲囊網珠翠結條雲龍鈿窠霞子四角龍頭銜香囊頂輪施耀葉中有銀蓮花坐龍紅綾裏碧玉壓帖內設圓鑑銀絲香囊銀飾勾闌臺坐紅絲條網帔踏中施黃褥上置御坐扶几香爐錦結綬几衣輪衣絡帶並緋繡壓金銀綫長竿四銀裏鐵錫龍頭魚鈎錦

博得銀裝畫帟拓以黃羅綠帟褥吧梯杖褥朱索緋繒

油吧主輦六十四人親祀南郊謁太廟還及具鸞駕黃麾仗省方還都則乘之真宗東封以舊輦太重遂命別造凡減七百餘斤後常用焉神宗已後其制赤質正方油畫金塗銀龍鳳裝朱漆天輪一金塗銀頂龍一四面施行龍一十六火珠四四角龍頭四穗毬一十二頂輪施耀葉紅羅輪衣一綴銀鈴紅羅絡帶二中設御坐曲几錦褥等施屏風香爐結綬長竿四飾以金塗銀龍頭祀畢車駕還內若不進輅則乘大輦政和之制黃質冒以黃衣紘以黃帶車箱四圍於程之外高二尺二寸設軾於前楹軾高三尺二寸建大旂於後楹旂十二旂其



長曳地其色黃繪以交龍素帛爲繚繪以日月以弧張幅以鞞韜弧杠以青錦綢之法旄於竿首繫以鈴國朝之輦有七中輿後唯存大輦平輦逍遙三輦而已大輦又曰大安輦其制赤質正方高十五尺三寸方十一尺六寸口柱平槃上覆青綠錦上有天輪三層外施金塗銀博山八十一內有圓鏡金塗銀頂龍一四面行龍十六火珠四輪衣以青墜以金鈴頂有青羅十字分垂四角曰終帶四角出龍首銜犛牛五色尾曰旒綬四面拱斗外施方鏡九柱圍以朱闌中設御坐曲几屏風錦褥下輿以長竿四攢竹筋膠丹漆之竿爲龍首平槃下四

圍結紅絲網輦官服色武弁黃纈對鳳袍黃絹勒帛紫生色袒帶紫絹行縵

芳亭輦黑質頂如幕屋緋羅衣裙襪絡帶皆繡雲鳳兩面朱綠牕花版外施紅絲網綢金銅帔踏前後垂簾下設牙牀勾闌長竿四銀龍頭銀飾梯行馬主輦一百二十人政和之制簾以紅羅繡鵝爲額內設御坐長竿飾以金塗銅螭首橫竿二鳳輦赤質頂輪下有二柱緋羅輪衣絡帶門簾皆繡雲鳳頂有金鳳一兩壁刻畫龜文金鳳翅前有軼置香爐香寶結帶下有勾闌二重內設紅錦褥長竿三銀飾梯



行馬主輦八十人法駕鹵簿不設鳳輦

逍遙輦以椽欄爲屋赤質金塗銀裝朱漆扶版二雲版一長竿二飾以金塗銀龍頭常行幸所御又魚鈎粉踏梅紅條輦官十二人春夏服緋羅衫秋冬服白獅子錦襖東封別造辟塵逍遙輦如牕隔黃繪爲裏賜名省方逍遙輦中興之制赤質金塗四柱椽屋上有走春金龍四中起火珠凸頂四面不設牕障中有御踏子制甚簡素祇應人員服帽子宜男方勝襯衫平輦又名平頭輦亦曰太平輦飾如逍遙輦如無屋輦官十二人服同逍遙輦常行幸所御東封別造升山天平輦施機關賜名

曰登封輦中興之制赤質正方形如一朱龍倚而加長竿二飾如逍遙輦而不施椽屋制尤簡素止施畫雲版而已又有七寶輦隆興二年爲德壽宮所製也高五十一寸濶二十七寸深三十六寸比附大輦平輦制度爲之上施頂輪耀葉角龍頂龍滴子鐸子結穗毬下施梅紅絲裙網加綴七寶中設香木御座引手爲轉身龍靠背爲龍首靠枰子織以紅黃藤昇以長竿二竿爲螭首金塗銀飾焉初有司言東都舊制輦飾以玉裙網用七寶而滴子用珍珠帝曰上皇意不然止欲簡素遂以塗金易玉梅紅絲結裙網間綴七寶而象牙易真珠旣而



上皇却不受每至大內多乘馬而間有行幸則用肩輿自是重華壽康兩宮並不別造

小輿赤質頂輪下施曲柄如蓋緋繡輪衣絡帶制如鳳輦而小下有勾闌牙牀繡瀝水中設方牀緋繡羅衣錦褥上有小案坐牀皆繡衣踏牀緋衣前後長竿二銀飾梯行馬奉輿二十四人中輿後去其輪蓋方四十九寸高三十一寸輿上周以勾闌施翟羽玉照子中爲方牀三級上設御坐曲几踏子曲柄緋羅繡蓋輿下紅絲結五色花裙網昇以長竿二竿爲螭首宮殿從容所乘設鹵簿則陳之

腰輿前後長竿各二金銅螭頭緋繡鳳裾欄上施錦褥別設小牀緋繡花龍衣奉輿十六人中輿制赤質方形四面曲闌下結繡裙網制如小輿惟無翟尾玉照子三級床曲柄蓋而上設方御床曲几昇竿無螭首用亦同小輿

耕根車制青質蓋三層餘如五輅之副駕六青馬駕士四十人親祠具大駕法駕鹵簿並列於仗內若耕籍則乘之國朝之車自耕根而下凡十有五南渡所存惟耕根車一而已其制度並同惟駕士七十五人進賢車古安車也太祖乾德元年改赤質兩壁紗牕擎耳虛匱一



轅緋幟衣絡帶門簾皆繡鳳紅絲網中設朱漆牀香案  
紫綾案衣緋繒裏輓索朱漆行馬凡車皆有輓索行馬駕四馬駕  
士二十四人

明遠車古四望車也駕以牛太祖乾德元年改仍舊四  
馬赤質制如屋重欄勾闌上有金龍四角垂銅鐸上層  
四面垂簾下層周以花版三轅駕士四十人服繡對鳳  
羊車古輦車也亦為畫輪車駕以牛隋駕以果下馬今  
亦駕以二小馬赤質兩壁畫龜文金鳳翅緋幟衣絡帶  
門簾皆繡瑞羊童子十八人

指南車一曰司南車赤質兩箱畫青龍白虎四面畫花

鳥重臺勾闌鏤拱四角垂香囊上有仙人車雖轉而手  
常南指一轅鳳首駕四馬駕士舊十八人太宗雍熙四  
年增為三十人仁宗天聖五年工部郎中燕肅始造指  
南車肅上奏曰黃帝與蚩尤戰于涿鹿之野蚩尤起大  
霧軍士不知所向帝遂作指南車周成王時越裳氏重  
譯來獻使者惑失道周公賜軒車以指南其後法俱亡  
漢張衡魏馬鈞繼作之屬世亂離其器不存宋武帝平  
長安嘗為此車而制不精祖沖之亦復造之後魏太武  
帝使郭善明造彌年不就命扶風馬岳造垂成而為善  
明鳩死其法遂絕唐元和中典作官金公立以其車及



記里鼓上之憲宗閱於麟德殿以備法駕歷五代至國朝不聞得其制者今創意成之其法用獨轅車車箱外籠上有重構立木仙人於上引臂南指用大小輪九合齒一百二十足輪二高六尺圍一丈八尺附足立子輪二徑二尺四寸圍七尺二寸出齒各二十四齒間相去三寸轅端橫木下立小輪二其徑三寸鐵軸貫之左小平輪一其徑一尺二寸出齒十二右小平輪一其徑一尺二寸出齒十二中心大平輪一其徑四尺八寸圍一丈四尺四寸出齒四十八齒間相去三寸中立貫心軸一高八尺徑三寸上刻木爲仙人其車行木人指南若折而東推轅右旋附右足子輪順轉十二齒繫右小平輪一匝觸中心太平輪左旋四分之一轉十二齒車東行木人交而南指若折而西推轅左旋附左足子輪隨輪順轉十二齒繫左小平輪一匝觸中心太平輪右轉四分之一轉十二齒車正西行木人交而南指若欲北行或東或西轉亦如之詔以其法下有司製之大觀元年內侍省吳德仁又獻指南車記里鼓車之制二車成其年宗祀大禮始用之其指南車身一丈一尺一寸五分濶九尺五寸深一丈九寸車輪直徑五尺七寸車轅一丈五寸車箱上下爲兩層中設屏風上安仙人一執



杖左右龜鶴各一童子四各執纓立四角上設關兵卧  
輪一十三各徑一尺八寸五分圍五尺五寸五分出齒  
三十二齒間相去一寸八分中心輪軸隨屏風貫下下  
有輪一十三中至大平輪其輪徑三尺八寸圍一丈一  
尺四寸出齒一百齒間相去一寸二分五釐通上左右  
起落二小平輪各有鐵墜子一皆徑一尺一寸圍三尺  
三寸出齒一十七齒間相去一寸九分又左右附輪各  
一徑一尺五寸五分圍四尺六寸五分出齒二十四齒  
間相去二寸一分左右疊輪各二下輪各徑二尺一寸  
圍六尺三寸出齒三十二齒間相去二寸一分上輪各  
徑一尺二寸圍三尺六寸出齒三十二齒門相去一寸  
一分左右車脚上各立輪一徑二尺二寸圍六尺六寸  
出齒三十二齒間相去二寸二分五釐左右後轆各小  
輪一無齒繫竹篋并索在左右軸上遇右轉使右轆小  
輪觸落右輪若左轉使左轆小輪觸落左輪行則仙童  
交而指南車駕赤馬二銅面插羽鞞纓攀胸鈴拂緋絹  
履錦包尾

記里鼓車一名大章車赤質四面畫花鳥重臺勾闌鏤  
拱行一里則上層木人擊鼓十里則次層木人擊鐺一  
轆鳳首駕四馬駕士舊十八人太宗雍熙四年增爲三



十人仁宗天聖五年內侍盧道隆上記里鼓車之制獨  
轆雙輪箱上爲兩重各刻木爲人執木槌足輪各徑六  
尺圍一丈八尺足輪一周而行地三步以古法六尺爲  
步三百步爲里用較今法五尺爲步三百六十步爲里  
立輪一附於左足徑一尺三寸八分圍四尺一寸四分  
出齒十八齒間相去二寸三分下平輪一其徑四尺一  
寸四分圍一丈二尺四寸二分出齒五十四齒間相去  
與附立輪同立貫心軸一其上設銅旋風輪一出齒三  
齒間相去一寸一分中並平輪一其徑四尺圍一丈二  
尺出齒百齒間相去與旋風等次安小平輪一其徑三  
寸少半寸圍一尺出齒十齒間相去一寸半上平輪一  
其徑三尺少半尺圍一丈出齒百齒間相去與小平輪  
同其中平輪轉一周車行一里下一層木人擊鼓上平  
輪轉一周車行十里上一層木人擊錫凡用大小輪八  
合二百八十五齒遞相鈎鑲犬牙相制周而復始詔以  
其法下有司製之大觀之制車箱上下爲兩層上安木  
人二身各手執木槌輪軸其四內左壁車脚上立輪一  
安在車箱內徑二尺二寸五分圍六尺七寸五分二十  
齒齒間相去三寸三分五釐又平輪一徑四尺六寸五  
分圍一丈三尺九寸五分出齒六十齒間相去二寸四



分上太平輪一通軸貫上徑三尺八一圍一丈一尺出  
齒一百齒間相去一寸二分立軸一徑二寸二分圍六  
寸六分出齒三齒間相去二寸二分外太平輪軸上有  
鐵撥子二又木橫軸上關戾撥子各一其車脚特一百  
遭通輪軸轉周木人各二擊鈺鼓

白鷺車隋所制也一名鼓吹車赤質周施花版上有朱  
柱貫五輪相重輪衣以緋阜頂及緋絡帶並繡飛鷺柱  
杪刻木爲鷺銜鵝毛簞紅綬帶一轅駕四馬駕士十八人  
鸞旗車漢制爲前驅赤質曲壁一轅上載赤旗繡鸞鳥  
駕四馬駕士十八人

崇德車本秦辟惡車也上有桃弧棘矢所以禳却不祥  
太祖乾德元年改赤質周施花版四角刻辟惡獸中載  
黃旗赤繡此獸太卜署令一人在車中執旗駕四馬駕  
士十八人政和之制建黃羅繡崇德旗一彩畫刻木獬  
豸四宣和元年禮制局言崇德車載太卜令一員畫辟  
惡獸於旗記曰前巫而後史傳曰桃弧棘矢以供禦王  
事請以巫易太卜弧矢易辟惡獸從之  
皮軒車漢前驅車也冒以虎皮爲軒取曲禮前有士師  
則載虎皮之義赤質曲壁上有柱貫五輪相重畫虎文  
駕四馬駕士十八人政和之制用漆柱貫朱漆皮軒五

萬曆二十七年刊  
義訂志



黃鉞車漢制乘輿建之在大駕後晉鹵簿有黃鉞車唐  
初無之貞觀後始加赤質曲壁中設金鉞一錦囊網杠  
左武衛隊正一人在車中執鉞駕兩馬駕士十五人  
豹尾車古者軍正建豹尾漢制最後車一乘垂豹尾豹  
尾以前卽同禁中唐貞觀後始加此車於鹵簿內制尚  
黃鉞車上載朱漆竿首綴豹尾右武衛隊正一人執之  
駕兩馬駕士十五人

屬車一曰副車一曰貳車一曰左車秦制大駕屬車八  
十一乘法駕三十六乘漢法駕用三十一乘小駕用十

二乘隋制大駕三十六法駕十二小駕不用唐大駕唯

用十二乘宋因之黑質兩箱傘裝前有曲闌金銅飾上  
施紫通幟絡帶門簾皆繡雲鶴紫絲網幘鎔每乘駕二  
牛駕士十人

五車徽宗宣和元年禮制局言舊鹵簿記有白鷺鸞旗  
皮軒三車其制非古按曲禮曰前有水則載青旗前有  
塵埃則載鳴鳶前有車騎則載飛鴻前有士師則載虎  
皮前有鷺獸則載貔貅萬乘一出五車必載所以警衆  
也青旌鳴鳶飛鴻貔貅乃以白鷺鸞旗雜陳其間未爲  
合禮今欲改五車相次於中道繼之以崇德車於是爲  
備青旌車赤質曲壁中載青旌以絳帛爲之畫青鳥於



其上鳴鳶車赤質曲壁中載鳴鳶旌以絳帛爲之畫鳴  
鳶於其上飛鴻車赤質曲壁中載飛鴻旌以絳帛爲之  
畫飛鴻於其上虎皮車赤質曲壁中載虎皮旌以絳帛  
爲之緣以赤畫虎皮於上貔貅車赤質曲壁旌以絳帛  
爲之緣以赤畫貔貅於上其轅皆一  
涼車赤質金塗銀裝龍鳳五采明金織以紅黃藤油壁  
緋絲條龍頭梅紅羅襪銀螭頭穗毬雲朵踏頭蓮花坐  
鴈鈎火珠門杳鏹鉞頻伽大小銀駕以橐駝省方在道  
及校獵迴則乘之

相風鳥輿上載長竿竿杪刻木爲鳥垂鵝毛簞紅綬帶  
下承以小盤周緋裙繡鳥形輿士四人

行漏輿隋大業行漏車也制同鐘鼓樓而大設刻漏如  
稱衡首垂銅鉢末有銅象漆匱貯水渴鳥注水入鉢中  
長竿四輿士六十人

十二神輿赤質四門旁刻十二辰神緋繡輪衣絡帶輿  
士十二人

交龍鉦鼓輿各一皆刻木爲二青龍相交下有木臺長  
竿一挂畫鼓一挂金鉦上皆有緋蓋亦繡交龍輿士各  
二人中輿後相風行漏十二神鉦鼓四輿悉省去

鐘鼓樓輿各一本隋大駕鐘車鼓車也皆刻木爲屋中



置鐘鼓下施木臺長竿如鉦鼓與輿士各二十四人行  
漏輿十二神輿交龍鉦鼓輿鐘鼓樓舊禮無文皆太祖  
開寶定禮所增

士十二人

六十四人

宋史卷一百四十九終



